



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

351

352

353

354

355

356

357

61

4-15

2010

613.95

ՏՕՔԻ ՎԱՀՐԱՄ Յ. ԹՈՐԳՈՄԵԱՆ

Դ Ի Ե Ց Ո Ւ Մ Ն



Ճամարիս մօր պարտք ծնել
չէ՝ միայն, այլ եւ տածել
եւ սնուցանել :

ՄԻՌԱՊՈ



31

ՏՕՔՔ. ՎԱՀՐԱՄ Յ. ԹՈՒԳՈՒՄԵԱՆ

613

ԴԻԵՑՈՒՄՆ



Կ. ՊՈԼԻԱՆ

ՏՊԱԳՐՈՒԹԻՒՆ Գ. ՊԱՇԱՍՏԵԱՆ
(ԱՐԱՄԵԱՆ)

34

16185

Կ. Պոլիս 19/31 Յուլիս 1888

Վաեմաշուր Տէր,

Ազնիւ բարեկամս Տօքթօռ. Վ. Յ. Թոռ-
զոմեան Էֆէնտի ինծ յանձնած է սպագրու-
թիւնն իւր «ԳԻԵՑՈՒՄ» անուն երկասիրու-
թեան՝ որոյ հասովթն կը փափազի յատկացնել
Ազգային մի որեւէ հաստութեան :

Փափազելով փորդիկ ծառայութիւն մի
մատուցանել բազմարդիւն Ընկերութեանդ, որ
անհակառ ակելի իրաւունք ունի անխիր ա-
մէն Հայու համակրութեան վերայ, խնդրեցի
որ նուիրէ զայն Ընկերութեանդ, սպագրու-
թեան ամբողջ ծախսն հոգալով ինքնին, եւ
ուրախ եմ զի յաջողեցայ յայդմ :

Զեկուցանելով զայս Զերդ Վաեմութեան
Մնամ ամենախորին ակնածանօր

Յուլի. Թ. Արամեան

6867-57

Վաեմաշուր

Հեօն Պէջ Փափազեան

Ասենապէս Տնօրէն Խորհրդոյ Հայոց Միացեալ
Ընկերութեանց

Եւն.

Եւն.

Եւն.

Ա. Ս Տ

ՄԻԱՅԵԱԼ ԸՆԿԵՐՈՒԹԻՒՆՔ

ՀԱՅՈՑ

(Արարատեան, Դպրոցասիրաց Արեւելեան եւ Կիլիկեան)

Տ Ն Օ Ր Է Ն Ժ Ո Ղ Ո Վ

Թիւ 3550

Ս. Լուսաւորիչ Եկեղեցի Ղաղաքիա
Կ. Պոլիս, 20 Յուլիս 1888

Մէծապատճիւ Տէր,

Պատիւ ունեցանք ընդունիլ Զեր 19/31
Յուլիս ամսաթիւ նամակն որով կը ծանու-
ցանիք մեզ թէ հաւանեցուցած ի՞ւ առաջնա-
կարգ Հայ բժիշկներէն Մեծ. Տօֆ. Թորգոնեան
Եթենին որ փոխան ուրիշ ազգային հասա-
սուրեան մը՝ Հայոց Միաց. Ընկերութեանց
նուիրէ իւր «Դիեզութ» անուն ընդիր երկա-
սիրութիւնն որ հրատակութեան կը տրուի
այս անզամ :

Ենորհակալ եմք որ այնքան հոգածութիւն
ցոյց կուտամ Ընկերութեանս նպաստելու Զեր-
ովսանն : Ենորհակալ եմք մանաւանդ այն
ազնիւ զգացմանց համար զորս այս առքիւ
կ'արտայայտք Ընկերութեանս նկատմամբ : Ե-
րախտազիսութեան մեծ պարտաւորութիւն մ'ալ
ունիմք հանդէպ Տօֆ. Թորգոնեան էժ.ի , այս

պատուական անձնաւորութեան՝ որ բաւ չը
հսկաւելով ի զոր դնել իւր բարձր արուեսին
քոլոր անձնութրութիւնն, իւր տաղանդաւոր
գրիշն ալ կը դնէ ի ծառայութիւն Ազգին, եւ
որ կուզայ ահա այսօր, Զեր ազնիւ նախա-
ձեռնութեան ժնորիլ, իւր անդրանիկ եւ օգ-
տաւաս երկն նուիրել ամբողջովին Ընկերու-
թեանս, զոր բազմաշխատ վասակոց որ իւր
իրական արժանեօֆ իրաւունք ունի ամեն որ-
դեսէր ծնողաց, ամեն լրջամիտ մարց ձեռք
գտնուելու :

Հանեցէք ուրեմն, Մեծապատիւ Տէր, մեր
զգացմանց բարգման հանդիսանալ ազին
Տօքրէօրին մօս եւ ընդունեցէք Դուք եւս մեր
խորին յարգանաց հաւասիքը :

Ի դիմաց Հայոց Միաց . Ընկերութեանց

Տեսքն ժողովոյ

Ա. Ասենադպրի

Ասենապետ

Կ. ԲԱՊՈՒՃՃԵԱՆ Լ. ՓԱՓԱՉՆԱՆ

Մեծապատիւ

Յովհաննէս էջէնիսի Արամեան

Զ Պ Ն

առ

ՀԱՅՐԵ ԽՄ ՈՒՍՈՒՄՆԱՍԻՐ

ՍԱՓԹԻՉ ՅԱՐՈՒԹԻՒՆ ԱՎԱ

ԹՈՐԳՈՄԵԱՆ

Հայր Սիրելի ,

Ո՞ւմ ծօնել անկ էր ինձ քան Քեզ իմ այս
առաջին վաստակը գուզնաքեայ , արդիւնք
բու այն հոծ քրտանց՝ զորս Թափեցիր ուս-
մանս համար եւ ածեղոյդ՝ որով թժիշկ զիս
ըրիր :

Մարդու առաջին կենաց տածմանն յա-
տուկ այս դասերս Դիեցման բաղծանացդ հա-
մածայն ի լոյս ընծայելով այսօր, եւյօգուտ մեր
ՄԻԱՅԵԼ բազմարդիւն ԸՆԿԵՐՈՒԹԵԱՆ՝ որ իբր
սննտու հաւատարիմ, ուսման կաթը կը չաբքէ
յարաժամ Փոքր Ասիոյ աղքատիկ Հայ ման-
կաւոյն, յոյս մեծ ունիմ զի մեր ընթերցասէր
ազգայինք յօժարակամ պիտի սերտեն զայնս
եւ գործադրեն :

Բայց ընդունէ՛ Դու նախապէս իմ այս փոք-
րիկ ծօնս , 'ի յաւէրժ յիշատակ Քու այն
ջերմ եռանդեան՝ որով ուսումնական Ալի-
նելով , Դու ուսումնականէ մը աւելի մեծ
զործ մը կատարեցիր Քու ուսումնախրու-
թեամբդ , անձնուրաց վաստակելով զաւա-
կացդ կրթութեանն համար :

Քո միւս երախտապարտ որդին
ՏՐ. Վ. Յ. ԹՈՐՊՈՄԵԱՆ

Եւսկիւսար, Սէլամիկ

25 Յուլիս 1888

ՅԱՌԱՋԱԲԱՆ

Մեզ նիւթ ընտրելով ԴիեՅՌՈՒՄԸ, ուսումնասէր ազգայնոց ուշադրութիւնը չիկարողանամք գուցէ գրաւել այնպէս՝ որպէս ըդալի և մեզ. նոր չէ քանզի նիւթս, ծանօթ և այն մերայնոց եւ վաղուց Տօքդօր Սերվիչէն էֆ. ի գիտնական գրիչներն եւ այլ Հայ առողջաբաններ գրած են արդէն այս մասին երկարորեն :

Աւելորդաբանութիւն մը կամ կրկնութիւն մը գուցէ համարուի մերը, փոյք չէ սակայն. սոյն կարեւոր նիւթին վրայ ո՞չչափ եւ լինին կրկնութիւններ, քիչ պիտի համարուին մեզ համար, քանի որ նորանոր վարդապետութիւններ միշտ նիները բարեփոխելով՝ օրէ յօր պայծառ զարգացում մը կուտան այն վսեմ վաստակոց՝ զորս կ'ընէ յար Եւրոպայի եւ Ամերիկայի բժշկաց անխոնց հանճարը :

Բժշկական նիւթ մը կամ գրութիւն մը ո՞ր չափ կրկնուի, նոյնչափ առաւել նպաստառ կը չիմի կ'ըսէր մեր փարիզեան վարպետնենքն Տօքդօր Շառլ Մոռեաք: Խո՞ն ներուի մեզ ուրեմն մեր այս կրկնութիւնը, զի բազում կրկնութեանց են կարօտ այն դրութիւններն ու օրենքները՝ զորս կը պահանջէ

տածումը մանկականի տիոց, կենաց այդ նորասկիզբն առաւօտքը որ ապագայ աշխարհի ապառնի հայրը պատրաստելու և նախակոչեալ :

Ներկայ գրութեամբ, առաջին մանկութեան առողջապահութիւնն ամբողջվին ուսանիլ չէ նպատակնիւ . դորա մէջէն Դիեցումը (allaitement) գլխաւորապէս պիտի լինի մեր ուշադրութեան առարկան, շատքը կարին, մարդկային կենաց այդ առաջին ամենակարեւոր կերակրոյ մատակարարութիւնը, որոյ համար նորանոր քարոզութիւններ եւ գիտնական օրէնքներ և ծնած այսօր Եւրոպա ի ձեռն Բաժօի, Թառնիեի, Բարոօի եւ Տրբօլի պէս գիտնական մանկաբարձիք :

Եւրոպացի գիտնականաց ծնուցած վարդապետութիւններն եւ պատուեկներն անյարմար են արդարեւ մեր ազգային մանկատածութեան, զի բարեխաղդաբար մեր դեռածին Հայ մանուկն ազատ և այն յուառ կեանքէն յորում կը տուայտի միշտ Եւրոպացի մանկութիւննեսական դիեցմանց աղագաւ : Հայ մայրելիք դեռ իւր նուիրական պարտքը կը համարի քամել իւր կուրծքն այն բերանին մէջ, զոր իննամսեայ մահու Երկամբք յաշխարհ բերաւ . այս, Հայուին դեռ պատիւ մը կը համարի իրեն, մայր լի-

նել եւ իւր զաւակը գորովագութ զգուանօք իւր բազկացը մէջ դիեցուցանել, մինչ Եւրոպութիւն, իւր յուսաւորութեանը մէջ, անգրաբար կը իննայէ իւր կուրծն իւր մանկան եւ ծնած օրն իսկ զայն գիւղ մը կը յուղարկէ կամ դայեկաց տուն մը, օտար սուեանց կարով զայն մեծցունելու՝ որպէս զի ինքը չի նիւծի եւ իւր կուսական նախատիպ քարմութիւնը չիթօշնեցունէ ստնտու մայր լինելով :

Երջանկութիւն մըն է արդարեւ որ մեր Ազգը յուսաւորին Եւրոպիոյ սոյն դժբաղդութիւնը չէ ունեցած . սակայն միշտ յստ է դժբաղդութեան ենրակայ չի լինելով հանդերձ ունկնդիր լինել խրատուց եւ պատուերներու: Սոյթից ժամանակ դարմանք Երբեմն անօգուտ կը լինին . յաւագոյն է նախազգոյշ լինել եւ օտարին փորձերին ու պատահարներին օգուտ քաղելով, խնամօք մեր մանկանց դիեցման ուշադիր լինել . կենաց ամեն հասակներէն աւելի նոցա նորաբոյս եւ տիսեղծ հասակին հոգ տանիլ օթինօք, այդու ապագայ զօրաւոր սերունդներ կազմելու եւ մարդկութեան համար առողջ եւ զօրել անդամներ պատրաստելու :

ԴԻԵՑՈՒՄՆ

ԳՏԱԿԻԱ ՍԱ.

ԴԻԵՑՈՒՄՆ

Դիեցումը կամ կարնուուրիւնը ,
յղութեան յարակից մի հանդաման-
քըն է եւ նորա լրումը :

Երեք կերպ Դիեցումն կայ .

Բնական դիեցումն՝ (allaitement na-
turel) որ է կնոջ ստեանց միջոցաւ
եղած կաթնտուութիւնը .

Արհեստական դիեցումն՝ (allaitement
artificiel) որ է կենդանեաց ծիծերու-
կամ ծծակի (biberon) միջոցաւ կա-
տարուած կաթնտուութիւնը .

իառն դիեցումն՝ (allaitemenit mixte)
որ է բնականին եւ արհեստականին
միաւորութիւնը :

Սոյն երեք կերպ գիեցմանց ծա-
նօթութիւններն ուսանելէ յառաջ,
հարկաւոր թուի ինձ նախապէս ակ-
նարկ մը նետել ստեղծ եւ կարի
բնազնութեան վրայ, լաւապէս խե-
լամուտ լինելու համար ապա գիեց-
ման գիտութեան եւ օրինաց :

Գ Ա Ռ Խ Ա Բ.

Ս Տ Ի Ն Ք

Մակնքն (mamelle) են համատիպ
զյգ մը ենթամորթային (sous-cu-
tanée) գեղձեր, որք եւ կարի գեղձ
կ'անուանին, պաշտօն ունենալով
կաթի արտաթորումը :

Այս գեղձերը ⁽¹⁾ զետեղուած են

(1) Գեղձ (glande) կ'ըսուին այն գործա-
րաններն՝ որը մեր մարմնոյ կազմածին յա-
տուկ հեղուկներն արտարդիսելու պաշտօնն
ունին, որպիսիք են գեղձ արտօրականն (glande

կրծոց առջեւը, լանջի ոսկեր (sternum) երկու կողմը, լանջային երկու մեծ մկանանց վրայ, երրորդ եւ եօթներորդ կողերուն մէջ տեղը: իրենց ձեւը կիսագնոտի է անկանոն, որոյ ծաւալը կը տարբերի միշտ ըստ սեռի եւ ըստ ամաց:

Սեռական անտարբերութեան, այսինքն առաջին մանկութեան ժամանակ, ստեանց աճումն երկու սեռին մէջ ալ համակերպ է. ըստ այսմ, ծնունդին քիչ օր յետոյ, երբ ամէն գործարան կ'սկսի իւր յատուկ պաշտօնն ի գործ ածել, ստինքն որ դեռ անպէտ գործարաններ են, կ'սկսին

lacrimate), գեղձ frénetique (glande sudoripare), գեղձ սերմանական (glande séminale) եւ այլք, որք արտօռ, քրտոնք եւ սերմն կ'արտարդիսն արեան շրջապայութեան շնորհիւ: Գեղձերն սպնդանան միսեր են եւ զիսաւոր երկու մեծ կարզի կը բաժնին. ծորանատիպ գեղձեր (glandes en tubes), եւ ողլուզատիպ գեղձեր (glandes en grappes), որք ոնդին եւ զանազան ստորաբաժնումներ:

եւ իրենք այտնուլ եւ անխտիր երկու սեռին մէջ ալ, թէ՛ արականին եւ թէ՛ իգականին, արտաթորել մի կաթնային հեղուկ, զոր գերմանացի տարրաբաններ եւ կիւլիչո լուծելով, կնոջ կաթին համանման գտած են զայն: Սոյն այս երեւոյթն ամիս մը եւ աւելի հազիւ կը տեւէ. հուսկ ուրեմն, տակաւ երրորդ մանկութեան ժամանակ, կենաց իններորդ եւ տասներորդ տարիներուն մէջ, դստերց ծիծերն արագապէս կ'աճին արբնութեան (puberté) ազդարար նշանակ լինելով, մինչ ուստերցը կը մնան անտարբեր. երբեմն սոցաստինքն ալ արբնութեան ժամանակ կ'սկսին ուռիլ եւ ցաւիլ, առանց տեւական աճման սակայն, ինչպէս կը տեսնուի գլխաւորապէս խափշիկ կամ համացեղ ազանց մէջ:

Կոյս աղջկանց ստինքն երբեմն նախ քան զյղութիւն կրնան աճիլ մեծապէս, այլ նոցա աճումն աւելի

սեռական յարաբերութեանց, մա-
նաւանդ արգասաւորութեան ժա-
մանակ յոյժ զգալի է : Անդ ամազըն-
նինք եւ բնազննինք եւ մանկաբարձք
շամ իրաւամբ ստինքը ծննդական
գործարանաց յարակից մի մասն են
համարած : Մի զարմանալի եւ սերտ
առնչութիւն կ'երեւի արգարեւ սոյն
գործարանաց մէջ . ծննդական գոր-
ծարանաց վարժութիւններն եւ աշ-
խատութիւնները կ'աճեցունեն յոյժ
զստինս . յղութիւնը պատճառ կը լի-
նի կարևուրութեան (lactation), եւ
ծննդաբերութիւնը զայն ի գործ
կ'ածէ : Փոխադարձաբար ստեանց
գրգռութիւններն եւ խաղտմունքն
ալ երբեմն մեծամեծ ազդեցութիւն-
ներ եւ տպաւորութիւններ կ'ընեն
ծննդական գործարանաց վրայ, տը-
պաւորութիւններ հեշտական կամ
այլակերպ :

Սոյն առնչութեանց հետ եւ մի
իմանալի առնչութիւն ակներեւ կը

լինի ստեանց եւ վզի գեղձին (glande tyroïde) մէջ : Մինչ ծննդական գոր-
ծարանաց ազդեցութեամբ ստինք
կ'սկսին աճիլ եւ զարգանալ, նոյն-
հետայն կ'աճի եւ վզի գեղձն եւ ահա
կնոյն վիզը կ'սկսի այտնուլ անզգա-
լապէս, 'ի նշան գոգցես իւր ամողու-
թեան : Զարմանալի են արդարեւ
սոյն առնչութիւններն՝ որոց պատ-
ճառաց խորամուխ եղած չէ դեռ
գիտութիւնը : Ոմանք յանդամա-
զնաց գործարանաց ջղային գը-
րութեան մէջ փոխադարձ կապակ-
ցութիւն մը կ'երեւակայեն, ոմանք
ալ սորա հակառակը կ'ասեն առանց
լուսատու մեկնաբանութեանց :

Ստինքն երկու հատ են միշտ, սա-
կայն հակառակ օրինակներ եւ ար-
տուղութիւններ յիշատակուած են
երբեմն գիտութեան մէջ . այսպէս՝
թառնիէ իւր Մանկաբարձութեան մէջ
կը գրէ թէ ինքը 1858 ին Փարիզու
ծննդաբերից հիւանդանոցին մէջ

տեսած է մի քառասատին կին ծնընդարեր, նոյնպէս Քոիւվէյեէի եւ Սաբէի, Ֆոռի Անդամազննութեանց մէջ կը կարդանք թէ Պառլըտիւք քաղաքի Շամբիոն անուն բժիշկը՝ տեսած է ժամանակաւ մի քառասատին կին՝ որոյ երկու աւելորդ ստինքն զետեղուած էին անութին մէջ եւ բընական ստեանց պէս կաթն կը ծորէին, եւ ժան Պօռէլ տեսած է կին մը՝ որ իւր ձախ ստեան ներքեւ ունէր մի երրորդ ստին կաթնտու։

Ստեանց ծաւալը կը տարբերի երբեմն եւ ըստ ազանց այսպէս Ափրիկեան ժողովրդոց մէջ կը տեսնուին եղեր կիներ՝ որոնց ստեանց խոշորութիւնն երբեմն մինչեւ իրենց գուճը կը չոշափէ կ'ըսեն անդամազննինք։

Ստինքն ամիսփուած են սպիտակ եւ թափանցիկ մորթի մը մէջ՝ զոր կը ծածկէ աղուամազից պուրակիկ մը, ստեանց յառաջակողմը, կեդրոնը նշանակուած է մի թխագոյն

բոլրակ պտկոյծիր (areole) կոչուած, որուն մէջ տեղը կանգնած է մի կոնաձեւ ելունդ՝ որ կ'անուանի պտուկ (mamelon), այս մասն է որ գիեցկին շրթանց կը մատչի առ ՚ի ծուծ։

Ստինքն ողկուզաւոր մի գեղձ է, բաղկացեալ շատ մը ողկուզակներէ (lobes), որք ճարպային մի հիւսուածոյ միջոցաւ միացած են իրերաց. սոյն ճարպային հիւսուածն ողկուզակներուն ձեւացուցած կորդութիւններն անհետ առնլով ստեանց կիսագնտի ձեւը կը կազմէ ըստ մեծի մասին։

Կաթի գեղձին մէն մի ողկուզակը բաղկացեալ է, շատ մը ողկուզահատներէ (lobule), մէն մի ողկուզահատներն ալ շինուած են ողկուզահատիկներէ (acinus) եւ այս ողկուզահատիկներն ալ բաղկացած են շատ մը բջիջներէ (cellule), որոնց մէջ կը գոյանայ կաթը։ Ողկուզահատիկներէն կը ծագին խումբ մը փոքրիկ խո-

զովակներ՝ որք իրերաց միանալով, 16 կամ 18 աւելի մեծ խողովակներ կը կազմեն կաթի ծորակ (canaux galactophores) անուամբ. կաթի ծորակներն համաթիւ ծակափներով կուգան յանդիլ պտկանց գագաթը⁽¹⁾: կաթի գեղձին կամ ստեանց սկզբանական մասն է ուրեմն բջջաց խումբ մը, որք միանալով կը կազմեն զողիուզահատիկները

(1) Lobe, loboule եւ աշնու ֆու անսերէն բառից հայերէնը չի կարենալով գտանել, համարձակեցայ դոցա համար յարմարել ողկուզակ, ողկուզահատ, եւ ողկուզահատիկ բառերը: Թոքերու, լեարդի եւ այլ ողկուզահատ գեղձից անդամագնութիւնն կամ հիւսուածաբանութիւնը զիցողը, սոյն ֆուանսերէն բառից համապատասխանի պիտի համարի իմ կազմած Հայերէն բառերս, որք եւ կը մեկնեն զիւրաւ գեղձից կազմակերպութեան զաղափարը: Սակայն ուղեղի մասանց ալ լօե կ'ըսէ ֆուանսացին, այն ատեն ողկուզակ բառն անձահ է, զի՞ ինչպէս յայտնի է, ուղեն ողկուզային կազմաւորութիւն բնաւ չունի:

միանալով կը կազմեն զողիուզահատը. ողկուզահատները միանալով կը յօրինեն զողիուզակն եւ վերջապէս ողկուզակներն ալ կը յօրինեն զողիոյզը, այսինքն ամբողջ գեղձային գործարանը:

Ծիծերու սոյն անդամագնական կազմակերպութեանը վրայ աւելի լաւ գաղափար մը ունենալու համար, բաւ է մտաբերել պահ մի մեղուաց փեթակի բջիջներն եւ զանոնք անտեսանելի կերպով վոքրկացունելով գնել խմբովին խաղողի ողկուզին մէն մի հատերուն տեղ եւ ողկոյզն յօրինող ձիւղերն եւ կոթերն ալ կաթի ծորակներն համարելով, կ'ունենանք եւ ահա կաթի գեղձին կամ ստեանց ուրուագիծ պատկերը:

Կաթի ծորակները մանուածոյ են, տեղ տեղ ունին փոքրիկ խորշեր ծոցիկ (sinus) կոչուած, որք բջջաց արտաքիլած կաթը կը ժողովեն, իրենց մէջ կը պարունակեն առաճգա-

կան եւ կծկելի մկանային նիւթեր՝
որք մեծ դեր կը խաղան կաթի հոս-
ման ժամանակ :

Պտկանց ձեւն ու մեծութիւնը
բազմազան է, մերթ կոնաձեւ է
այն կամ գլանաձեւ, մերթ սնկա-
ձեւ կամ մեծ եւ կարծր, երբեմն ալ
'ի հակառակէն՝ փոքրիկ, անձեւ եւ
կակուլ: Շատ դիւրազգած է պտու-
կակուլ: Շատ դիւրազգած է պտու-
կակուլ: Կը գրգռիչ պատճառներ կրնան
զայն յուղել եւ կանգնել:

Մանկամարդ օրիորդաց, մանա-
ւանդ եւրոպայի հիւսիւսակողմնեան
աղջկանց ծիծերու պտկանց գոյնը
վարդակարմիր է, բայց յետոյ արբ-
նութեան եւ մանաւանդ յղութեան
ժամանակ, սոյն գոյնը կը թխանայ
եւ կը լինի խայտարդէտ, որ եւ պա-
տելով զայլոյ ծիրը՝ կը ծաւալի
ստեանց վրայ՝ նկարելով հոն նոր
ծիր մը երկրորդական: Պտկանց շուր-
ջը, պտկոյ ծրին վրայ, կը տեսնուին
շատ մը գեղձանման փոքրիկ հատիկ-

ներ՝ որք յղութեան ժամանակ՝ կ'ա-
ճին մեծապէս :

Պտկանց մորթն համահանգոյն է
գրեթէ ներքին գործարանաց մա-
ղասային թաղանթին. այս պատճա-
ռաւ՝ դիեցին բերնին մէջ եղած
հիւսնդութիւնները, զոր օրինակ
թամբակիլը (տացած) եւ այլք կը
տեսնուին երբեմն եւ պտկանց վրայ :

Կաթի արտածորումը կը լինի ուղ-
ղակի կաթի ծորակաց միջոցաւ, բայց
ո՛չ բոլորին :

Ծորակները շրջապատող մկանա-
յին մասանց կծկամբը կ'ընդհատի
երբեմն կաթի հոսումը, եւ երբեմն
ալ նոցա թուլութեան աղագաւ յոր-
դաբուղիս կը լինի այն եւ առատա-
հոս: Այլ գլխաւորապէս մանկան
ծծումն (succeion) է որ կը դիւրա-
ցունէ յոյժ արտահոսումը կաթին :

Գ. Ա. Ռ. Խ. Պ.

ԿԱԹՆ

Կաթն (lait) սպիտակ կապտագոյն հեղուկ մըն է, ախորժ եւ քաղցրահամ, թանձր քան զջուր եւ ծանր, որ՝ ինչպէս յառաջագոյն ըսինք, ծնունդ կ'առնէ եւ կը բղիսի ողկուդահատկաց բջիջներուն մէջ արենային կիւթոց արտալուզութեան շնորհիւ:

Կաթը կը բաղկանայ երեք գլխա-

որ կարծր եւ հեղուկ նիւթերէ՝ որք են կարագ (beurre), քնապամիր (caillé) եւ շիճուկ (petit lait): Սոյն նիւթերը կաթի թարմութեան ժամանակ լուծեալ վիճակի մէջ են, ցըրտութիւնը կրնայ զանոնք բաժանել յիրերաց եւ զտել շիճուկը բնապանրէն եւ կարագէն:

Շիճուկը դեղներանդ հեղուկ մըն է յստակ եւ պայծառ որ կը պարունակէ իւր մէջ չուր, կաթեաշաբար (sucre de lait) եւ աղեր:

Թարմ կաթին կարեւոր մասը բնապանիրն է, որ կաթին մէջ միշտ լուծեալ մնալու համար անթթուութիւն կը պահանջէ, ապա թէ ոչ կաթնաշաքարն այլայլով ծնունդ կուտայ կաթնարթուին (acide lactique) որ կաթին շիճուկը քամելով կը մածուցանէ զբնապանիրը: Պանրագործութեան սկզբունքն ալ այս է, զոր կը ձանաշեն անշուշտ անոնք, որ սակաւ ինչ տեղեակ են պանրաշինու-

ըստ այսմ՝ կաթի մը լաւ յատկութիւնն իմանալու համար մանրացուցական զննութեանց մէջ սոյն գընդակիներուն ձեւն ու թիւն է որ կը քննուի :

Նորածիններու մննդեանն յատուկ նիւթն, կաթն է միայն, մի պատուական եւ կատարեալ կերակուր է դա. հիանալի իմաստութիւն մըն է արդարեւ բնութիւնն, որ կենդանեաց գրեթէ մեծագոյն մասին կենաց առաջին եւ գլխաւոր կերակուր՝ կաթն է սահմանած. կը համարձակիմ կոչել զայն նեկտար անմահական, որ մեր առօրեայ կերակրոց մէջ իսկ կարեւոր դեր մը խաղալն 'ի զատ, եւ մեծամեծ հրաշքներ երբեմն կը գործէ սրտի, ստամոքսի եւ երիկամային հիւանդութեանց ծանր վայրկեանն ու թիւն ու ձեւն համեմատական է կաթին կարծր մասանց քանակին առաւելութեան կամ նուազութեան.

թեան. յայտնի է թէ պանրագործք կաթին մէջ կը խառնեն խախացը (présure), այսինքն կաթնկեր խաշին թրմած եւ կակղած ստամոքսէն պարաստեալ մակարդը (մայա), որ թթուած լինելով կը մակարդէ զպանիրը. Ստամոքսին մէջ կաթին տարրաբաշխութիւնն ալ սոյնօրինակ իմն է արդարեւ. ստամոքսային հիւթեարը կաթին հետ խառնուելով կը մածուցանեն նախ զբնապանիրը, որ ապա տակաւ լուծուելով քիմիական այլ եւ այլ օրինօք, կը տարրաբաշխի աղեաց մէջ :

Կաթին իւղային մասերը, կարագը կամ սերը, բաղկացութիւն են շատ մը փոքրիկ, կլորիկ սպիտակ գնդակներու, այսինքն իւղոյ լուծեալ կաթիլներու՝ որք կաթին սպիտակութիւնը կը փայլեցունեն, եւ որոնց թիւնը մէջ կաթին կամ կաթին առաւելութեան կամ նուազութեան է կաթին կարծր մասանց քանակին առաւելութեան կամ նուազութեան .

բնապանիրը . անբորակածնային (ποναζοτέ) մարմիններ , ինչպէս կարագն եւ կաթնաշաքարը . ունի այն ջուր , իր մէջը կան այլ եւ այլ աղեր , կան աղեր լուսածնային (phosphoré) , կան աղեր ֆլորային (chloruré) , կան վերջապէս , ըստ Պէքըրէլի , կազեր եւ ըստ Վերնուայի ածխային եւ երկաթի աղեր . մի բովանդակութիւն է այն ուրեմն ամենակարեւոր մարմաց եւ նիւթերու . եղական կերակրուր մըն է ապա կաթը մանկանց համար :

Կաթնուռ կենդանեաց բոլորին ալ կաթը սոյն բաղադրութիւնն ունի : Կնոջ կաթն ըստ Պէքըրէլի կը պարունակէ իւր մէջ հազարին .

| | |
|---------------------------|--------|
| Զուր | 889,08 |
| Բնապանիր եւ անլոյծ աղեր | 59,92 |
| Կարագ | 26,66 |
| Կաթնաշաքար և լրւծեալ աղեր | 44,54 |

Սակայն ծննդաբերութենէ անմիջապէս յետոյ կաթը սոյն յատկու-

թիւնները չունի իսկապէս : Նորաբուղիս կաթը , այն՝ որ յղութեան աւուրց մէջ սակաւապէս եւ ծննդաբերութեան առաջին մի քանի օրերուն մէջ առատապէս կը հոսի , տարբեր յատկութիւններ ունի : Դեղին հեղուկ մըն է այն , զուրկ սպիտակութենէ եւ մածուցիկ , որ դալն կը կոչի կամ նախակարն (colostrum) . սորա գնդակները տաձեւ են եւ ոչ կլորիկ , սպիտակ կաթին գնդակներուն պէս , ծաւալնին շատ տարբեր է եւ այնչափ մեծ , որ ճիշդ իւղային խոշոր կաթիլներու նմանութիւնն ունին : Դալը մաքրողական թեթեւ յատկութիւն մը ունի եւ կարծես գիտմամբ այսպէս ըրած է բնութիւնը , որպէս զի այսու նորածինը մաքրի իւր սեւաղրին՝ (téconium) զոր գեռ լցո չի տեսած ժողովածէր նա իւր աղեացը մէջ :

Դալն երկու երեք օր սոյն յատկութեամբք հոսելով , ապա տակաւ

առ տակաւ, դէպի ի ծննդաբերութեան երրորդ կամ չորրորդ օրերը, կ'սկսի սպիտականալ եւ կաթի յատկութիւններն ստանալ:

Տարրալոյծ գիտնականաց եւ բժշկաց փորձերուն նայելով, կաթին բաղադրութիւնքն առաւել կամ նուազ քանակութեամբ կը տարբերին միշտ ըստ կենդանական սեռից, ըստ կերակրոց եւ ըստ ըմպելեաց:

Արդարեւ, կնոջ պէս, կողմ, այծն, ոչխարը, ձին, էշը, շունը, կատուն, սոցա ամէնքն ալ սոյն սպիտակ կաթը կը բղխեն, բոլորին ալ կաթն իր մէջ վերոյիշեալ տարրալուծական յատկութիւններն ունի, միայն թէ՝ կայ կաթն որ հարուստ է բնապանրի կողմանէ, մինչ ուրիշ մը հարուստ է կաթնաշաքարի կամ կարագի կողմանէ եւ ուրիշ մը աղքատ աղերու մասին:

Կնոջ կաթին բաղադրութիւնը գրեթէ համանման է խոտաճարակ

մեծ կենդանեաց կաթին բաղադրութեան եւ գլխաւորապէս՝ կովու, այծի, ոչխարի եւ իշու. սա տարբերութեամբ՝ որ կովու եւ այծի կաթերն աւելի շատ բնապանիր կը պարունակեն, մինչ կնոջն աւելի շատ կարագ եւ կաթնաշաքար կը պարունակէ: Սակայն մեծ չորքոտանեաց մէջ կնոջ կաթին նմանն ունեցողը գլխաւորապէս մատակ էշն է. իշուն կաթն, այո՛, գրեթէ կնոջ կաթին նմանն է եւ այս մասին Բրոֆ. Թառնիէ, Բառու եւ Պուշչարտակարդացած են արդէն իրենց գիտնական փորձերուն արդիւնքը Փարիզու Բժշկական Ճեմարանի կաճառին մէջ 1882 թուին, ապացուցանելով եւ ակներեւ հանելով կնոջ եւ իշու կաթին հասարակ յատկութիւնը, այսինքն կաթեւորութիւնը, (ալեալինէ) որ մեծապէս օգտակար է նորածիններու առողջութեան. մինչ կովու, այծի եւ ոչխարի կաթին յատ-

կութիւնը թթուութիւն (acidité) է ,
յատկութիւն մը որ շատ մնասակար
կրնայ լինել մանկանց՝ բամբակիկի
ըսուած հիւանդութեան սնկիկները
նոցա բերնին մէջ փութով զարգա-
ցունելու պատճառ լինելով : իշու
կաթին սոյն յատկութեանն աղա-
գաւ , ժամանակէ մը 'ի վեր Փարի-
զու Նորածնոց տան մէջ կատարուած
արհեստական դիեցմունք միշտ իշու
կաթով կը լինին , ըստ այսմ , սոյն
տան նախսկին եւ արդի բժշկաց հրա-
տարակած վիճակագրութեանց նա-
յելով՝ դիեցկաց մահը նուազած է
այժմ զգալի կերպով , բաղդատմամբ
անցելոյն՝ յորում արհեստական դի-
եցմունք տարբեր կերպով կը լինէին :

Մեր Հայ մամիկներն շատ իմաս-
տուն են ուրեմն , որ երբեմն դիեց-
կին իշու կաթն կ'արբուցանեն եւ
կամ մօրը տկարութեան ժամանակ
մանուկն իշու կաթով դիեցուցանե-
լու խորհուրդ կուտան , ինչպէս ա-

կանատես իսկ եղած եմ անձամբ մի
քանիներու : Վաղեմի աւանդական
ծանօթութիւն մըն է թերեւս Հա-
յուն համար իշու կաթին օգտակա-
րութիւնը , եթէ զայն դեռ նոր
կ'սկսին ճանաչել Եւրոպացիք :

Կերակրոց եւ ըմպելեաց ազդեցու-
թիւնն մեծ է կաթին բաղադրու-
թեանցը վրայ : Բացայայտ է թէ
լաւ եւ սննդարար կերակուր մը
կաթի բղխումը կ'առատացունէ՝ նո-
րա կամ կարագը , կամ բնապանիրն
եւ կամ աղերը շատցունելով , կ'ըսեն
իսկ թէ շատ ընդեղէնք՝ որպէս ,
ոսպը , չղղամը , կաղամին եւ գետ-
նախնձորն եւ քանի մը ըմպելիներ ,
ինչպէս գարեջուրը , նշի օշարակը
եւ (ըստ Հայ կանանց թարմ ցորե-
նի ջուրը) , կաթն առատահօս կ'ընեն
եւ պարարտ սակայն շատ մը բժիշկ-
ներ եւ տարրալոյծներ կենդանեաց
եւ կանանց վրայ երկարօրէն փոր-
ձելով , ոմանք նպաստաւոր եւ ո-

մանք ալ հակառակը քարոզած են սոյն դաւանութեան :

Կաթն՝ յղութեան գրեթէ առաջին ամիսներէն սկսեալ կը բղխի անդադար, այլ իւր բուն առատահասութիւնը ծննդաբերութիւնէն յետոյ կ'սկսի, յորում կաթը կրնայ հասնիլ մեծամեծ քանակութեանց : կիյեօ կ'ըսէ թէ կին մը 24 ժամուան մէջ կրնայ մինչեւ 1500 կրամ այսինքն 500 տրամ կաթն արտահոսել եւ թէ դիեցիկ մը ամէն մէկ ծծին կրնայ 80 եւ մինչեւ 150 կրամ այսինքն 50 տրամ կաթն ծծել : Սոյն քանակութեանց չափը կրնայ խախտիլ այլեւ այլ պատճառօք, ըստ ամաց, ըստ հիւանդութեանց կամ ըստ պատահարաց : Տարիքն արդարեւ մեծ ազդեցութիւն ունի կաթի քանակութեան վրայ . դեռահաս եւ ծերունի ստնտուները նուազ կաթն ունին քան քսանամեայ կամ երեսնամեայ ստնտուները : Հիւանդութիւնք, զորս անհնարին

է թուել, կրնան ազդել կաթին քանակութեանը վրայ, են հիւանդութիւնք որք կը նուազեցունեն զայն, եւ են՝ որք կ'սպառեցնեն զայն բոլորովին :

Յոգնութիւնք, երկարատեւ կաթընտուութիւնք՝ նուազեցուցիչ են կաթի աղբեր : Բարոյական յուզմունք, ջղային խոռվութիւնք՝ վատթարացուցիչ են կաթի վիճակին ամեն կերպիւ . նոյնազէս դաշտանի վերադան եւ վերահաս յղութիւնք նոյն ազգեցութիւնը կ'ընեն կաթին վրայ . այսու ամենայնիւ, կաթին քանակութեան չափը միշտ մանկան ծծելուն համեմատական է . դիեցիկն որչափ շատ ծծէ, այնչափ շատ կը լինի կաթի բղխումն, եւ 'ի հակառակէն՝ այնչափ ալ քիչ՝ որչափ սակաւ լինի ծծումք :

Աւելորդ կը համարիմ դեռ յառաջ անդը միսիլ, բացատրելու երկարօրէն թէ արդեօք կլիմայն, մարդուս

գոյնը կամ կազմութիւնը տարբերութիւն մը կընէ՞ն կաթին վիճակին կամ քանակութեանը վրայ . թէ կայ տարբերութիւն աջ կամ ձախ ծիծերու կաթին մէջ, կամ անդրանկածին եւ բազմածին կանանց կաթին մէջ . թերեւս օգտակար լինին սոցա բացարութիւնքը , բայց խոստովանինք թէ դեռ գիտութիւնը սոցա լուծումը չէ տուած եւ կը վիճաբանի միշտ այս մասին :

ԳԻԵՑՈՒՄՆ

ԲՆԱԿԱՆ ԴԻԵՑՈՒՄՆ

Մեզ նիւթ պիտի ընենք գլխաւորապէս բնական դիեցումը՝ որ է լաւգոյն եւ մեր մէջ տիրապետող տեսակը . միւս երկու կերպ գիեցմանց վրայ չի պիտի խօսինք բնաւ , նկատելով որ նոցա ծանօթութիւնն այնչափ անհրաժեշտ հարկաւորութիւն մը չունի մեզ հայոցս համար :

Բնական դիեցումն է , գիեցկին մինչ ՚ի մոցումն , այսինքն կաթէ

կորուիլը ,ուղղակի մօրը կամ դայեկի մը ծծէն ըրած կաթնասնութիւնը . ըստ այսմ , Բնական Դիեցումն է երկու կերպ . Մայրենի եւ Դայեկան :

10. ՄԱՅՐԵՆԻ ԴԻԵՑՈՒՄՆ

(Allaitement maternel)

Դիեցման մէջ նորածնի մը համար չիկայ բան մը որ կարող լինի փոխարինել կամ հաւասարիլ մայրական տքնութեանց եւ յոգնութեանց . եւ այն բիւրակերպ խնամքը զորս կը պահանջէ միշտ տածումը մանկական տիսց , չէ կարելի գլխովին եւ լաւապէս տնօրինել՝ բայց հարազատ մօր միջոցաւ եւ եթ , մօր՝ որ իւր մանուկն անձամբ ինքը կը դիեցուցանէ :

Մայրենի Դիեցման մեծապէս յարգ ընծայելու եւ բարձր ՚ի գլուխ քա-

րոզելու է զայն յարաժամ . նախ՝ բարոյական պահանջմանց աղադաւ , զի մանկան համար յաջողական , լաւագոյն եւ ապահով տեսակն է այն տածման , եւ ապա առողջապահական նպատակաւ՝ զի կանայք՝ որք կը դիեցուցանեն , իրենց ծննդաբերական տկարութիւններէն աւելի փութով կը բուժին ընդհանրապէս քան զայնս՝ որք հեռի զիրենք կը կացուցանեն մայրական նուիրական առաջին պարտաւորութիւններէն :

Ամէն կին որ առողջ է եւ բաւականի կաթն ունի , պարտաւոր է անձամբ անձին դիեցունել իւր մանուկն եւ քամել յօժար իւր ծիծն իւր նորածնին բերանը :

Սոյն այս գերազանց պարտաւորութիւնն ոչ միայն բարոյական եւ առողջապահական օրէնքները կ'ստիպեն , այլ եւ բնականն ալ լոելեայն խրատատու լինել թուի յայդմ . առայս հերիք է պահ մի ակնարկ մը

ձգել բնութեան վրայ , ուր գրեթէ բոլոր կենդանիք գեղեցիկ օրինակ մը մեզ կ'ընծայեն մայրենի դիեցման : Կը տեսնենք այն անթիւ կաթնտու կենդանիք , որք մինչեւ ցվերջ իրենց ստինքը չեն զրկեր իրենց փոքունց շուրթերէն եւ այն անհամար թըռչուններն՝ որք մինչեւ չտեսնան իրենց ձագուց առաջին թոփչը , չեն դադարիր բնաւ իրենց կացին ծայրիւ հպեցուցանել նոցա բերանին՝ զոր ինչ հարկաւորն է իւրեանց սնընդեանը : Կենդանեաց դասուն մէջ մարդը , այժմ կենդանեաց գերազոյնը (¹) , այդ բանական կենդանին , մարդն եւեթ , մանաւանդ քաղաքակրթեալ եւ լուսաւորեալ մարդը , կը նուսաստանայ եւ ցածանալով երբեմն քան զյետնագոյնն ՚ի կենդանիս , վատաբար հակառակ կը գործէ բնականին վսեմ եւ բարձր օրինաց եւ պարտուց եւ ահա իւր զաւակը ,

(¹) Տարվին :

այն տիմեղծ արարածը , որուն կենաց պատճառ եղաւ , այն անկարող եւ տկար էակը կը զրկէ անխղճաբար իւր ծնողական գրկէն , նետելով զայն գրկէ ՚ի գիրկ օտար , գիրկ՝ զոր աւաղ շատ արդար է թարգմանել երբեմն «գերեզման նորածնոց» :

Զավիաւոր կամ սակաւ առողջութիւն մը իսկ արգելք լինելու չէ երբեք մայրենի դիեցման . զի շատ անգամ տեսնուած են բազում կանայք , որք ինչպէս կ'ըսէ թառնիէ , նախապէս ենթակայ լինելով արգանդային կամ այլակերպ ջղացաւութեանց , իրենց զաւակն անձամբ դիեցուցանելու սկսելէ յետոյն դադարած են իրենց ցաւակրութիւններէն եւ մինչեւ իսկ նիկար , վտիտ եւ անարիւն մայրեր , անախորժակ ու դժուարամարսութիւն ունեցող վատառողջ եւ մելամաղձոտ կիներ՝ իրենց տկար վիճակը մեծապէս սփոփած են և բարելաւած մայրենի դիեցման չնորհիւ :

Աւելորդ իմն է ասել, որ փոխանցական եւ ժառանգական ախտից աղագաւ միայն խոհեմութիւնն է եւ լաւ, զրկել մանկիկը մայրենի դիեցմանէ. ապա թէ ոչ, դիեցիին կեանքն այնու կը վտանգի եւ երբեմն եւ մայրն ալ փոխանակ լաւանալու կրնայ եւ եւս վատթարանալ:

Սոյն այս հարկեցուցիչ պատճառներէն 'ի զատ ուրիշ այլ պատճառներ բնաւին արգելք լինելու չեն մայրենի դիեցման եւ ամեն ծննդաբեր կնոջ գլխաւոր անհրաժեշտ պարտքը լինելու է հոգալ միշտ ինքնին իւր մանկան դիեցումն անձնուրաց խոնարհութեամբ և յօժարակամք քաջութեամբ:

Մայրենի դիեցման սոյն խրատական նախաբանութիւնն ընելք յետոյ, անցնինք քննելու կարգ մը կարեւոր կէտեր յասուկ սոյն դիեցման, դիտելով միանդամայն եւ առայն հարկաւոր եղած պարտաւորութիւնքն եւ օրէնքը:

Երբեմն եւ յաճախ կը հարցուի բժշկին, թէ կարելի՞ է գիտնալ կանխաւ յզի կնոջ մը ապագայ լաւ կամ գէշ ծծմայրութիւնը: Դիուարին միշտ պատասխանել որոշապէս սոյն հարցմանց. կարելի է սակայն մինչեւ մէկ աստիճան այդ մասին հաւանական գուշակութիւն մը ընել հետեւեալ կերպիւ:

Գիտնալու համար թէ յզի կին մը լաւ կաթնտու պիտի լինի, պէտք է գիտել նախ որ նորա ստիճնքն ըստ բաւականին լինին զարգուն վիճակի մէջ, պտուկները լինին ցցուած, կամ հակամէտ 'ի ցցուել՝ երբ ենթակայ լինին գրգռութեանց: Պտուկները լինելու չեն ոչ շատ խոշոր եւ ոչ ալշատ փոքր: Բնականէն պտկոյծրին մէջ ընկողմանած կամ պորտաւոր պտուկները լաւ կաթնաւորութեան նշանակ չլինել կը կարծուին: Անմահն թռուսօ իւր ախտաբնութեանց մէջ խորհուրդ կուտայ ՚ի նը-

կատ առնուլ նաեւ բնական դաշ-
տանի սովորական վիճակը՝ որ կրնայ
մեծամեծ տեղեկութիւններ ընծայել
ապառնի կաթնաւորութեան մասին։
ուստի, կանայք՝ որք 'ի բնէ սակա-
ւարիւն եւ անկանոն դաշտանի տէր
են, ըստ Թոռուսօի, սակաւակաթն
եւ կը լինին նոքա ընդհանրապէս։
ի հակառակէն՝ նախապէս բազմա-
զեղուն դաշտաններէն ալ կը վախցը-
ուի՝ որ դիեցման ժամանակ կանխա-
հաս լինելով մի գուցէ նուազեցու-
ցիչ կամ ցամաքեցուցիչ լինին կա-
թին աղբեր։

Յղութեան ժամանակ ստեանց ար-
տաքերած հեղուկին յատկութիւն-
ներն ալ, ըստ Տօննէի, կը կարծուին
ընծայել լաւ տեղեկութիւններ՝ ա-
պագայ կաթին վիճակը նախադատե-
լու համար, սակայն սոյն գիտնակա-
լու նին այս մասին գծած օրէնքները
շատ բացառութիւններ ունենալով,
եւ մանաւանդ բրօֆ. Թառնիէի եւ

Շառքանթիէի կողմանէ անվաւեր
հրատարակուած լինելով, հարկ չենք
տեսներ զետեղել աստանօր զանոնք՝
որք կրնան յոյժ երկարել մեր նիւ-
թը. առանց ծանրանալու այս կէ-
տին վրայ, փութանք քննել թէ՛ ի՞նչ
խնամք եւ հոգածութիւն պարտաւոր
է առնել այն կինն յղի՝ որ կաթնառու
լինել կ'ուզէ։

— Ամեն յղի կին որ կը տենջոյ
կաթնառու լինել եւ անձամբ ան-
ձին դիեցուցանել իւր մանուկը,
պարտաւոր է նախ քան զկաթնառու-
ութիւն, խնամ տանել փութով այն
գործարանաց՝ որոցմով պիտի տածէ
նա իւր նորածինը. ուստի, յղու-
թեան աւուրց մէջ, պարտաւոր է նա
լուանալ միշտ իւր ստեանց ծայրն
օղիով, կամ յաղցուենոյ մէջ շաղ-
ուած նաշինով (glycérolé d'amidon),
որպէս զի ստինքը կարծրանան, եւ
աղատ լինին ապա այն ցաւալի փա-
պարածներէն (gerçure) կամ ձաթըռ-

տուքներէն՝ որք կը պատահին ընդհանրապէս դիեցման ժամանակ, եւ կրնան մեծամեծ չարեաց մայր լինել: Թէ որ պտուկներն ի բնէ պորտաւոր են կամ ոչ ցցուած՝ հարկ է ստէպ ստէպ մարմաջեցուցանել զանոնք եւ խտղտել, եւ կամ մատամբք դուրս ձգձգել հեղիկ: Սոյնդունակ պարագայից մէջ օդտակար կրնար լինել նաեւ ծիծերը ծծել տալ մի մանկան, կամ շնչահան սրուակներ (ventouze) միշտ փակցունել նոցածայրը, անոնց ծաւալը մեծցունելու համար. սակայն խոհեմութիւն կը համարինք զգուշաւոր կացուցանել մեր մայրիկները սոյն միջոցներէն՝ որք կրնան երբեմն վաղահաս տղաբերք (accouchement prématuré) առթել. փօխանակ սոյնպիսի կասկածաւոր միջոցներու դիմելոյ՝ բաւական է ստեանց ծայրը փակցունել միայն ձգական խէժէ շինուած ծծածայր մը (bout de sein), որ պըտ-

կոյծիրն հեղիկ ձնշելով, պտկանց աղատապէս մեծնալուն պատճառ կը լինի տակաւ:

Սոյն այս հոգածութեանց կը յաջորդէ ամենագլխաւոր կէտ մը արժանի ուշադրութեան, որ է առողջապահութիւնը կաթնտու կնոջ:

Ի՞նչպէս լինելու է այն ուրեմն:

— Ամեն ծննդաբեր կին որ կաթն կուտայ եւ անձամբ կը դիեցունէ իւր նորածինը, ունենալ նախ հարկ է նմախաղաղ եւ հանդարտ, զուարթ եւ կանոնաւոր մի կեանք, ամէն օր փոքրիկ պտոյտ մը ընել յոյժ առողջարար է նմա. լաւ օդ ծծելու եւ առանց յոգնութեան մարմնային մեղմիկ կրթութիւններ ընելու է նաև իւր ախորժակը զարթուցանելու համար. կանուխսկէկ եւ լաւ ննջելու է, գիշերը շատ ծիծ չտալու պայմանաւ, որպէս զի նա քնատ չի մնայ:

Նորա կերակուրները լինելու են դիւրամարս, սննդաբար եւ ոգեւու-

րիչ. հարկ չէ մասնաւոր կերակուր մը սահմանել առ այս, հերիք է որ իւր ուտելիքները չլինին ոչ բոլորովին բանջարեղին՝ եւ ոչ ալ բոլորովին մսեղին։ Մասնաւոր առաւելութեամբ կարելի է ուտել յաճախ ոսպ, կաթնապուր եւ նմանօրինակ կերակուրներ, որք շատ կաթնաբեր լինել կը կարծուին։ Ըմպելեաց գալով, կրնայ նա ըմպել ջրախառն գինի, վարդի եւ նշի օշարակ, մանաւանդ պատուական տեսակ գարեջուր որ յոյժ կաթնաբեր հոչակուած է. սակայն գինին եւ գարեջուրը չարաչար գործածելու չէ բնաւ, զի ոգելից ըմպելեաց զեղծումը վըտանգաւոր է կաթին, եւ երբեմն եւ մահաբեր թէ մօր եւ թէ մանկան։

Վերոյիշեալ ըմպելիները թէ չբաւեն, մեր հայ մայրերը, մանաւանդ աղքատիկ եւ տնանկ մայրերը, պարտաւոր չեն դիմել ուրիշ միջոցներու. Արեւելեան նահանգաց՝ մանաւանդ

վոսփորի ջուրց քաղցրութիւնն եւ ոգեւորիչ յատկութիւնը նշանաւոր է յոյժ, կրնան նոքա բաւականանալ միայն ջրով՝ որ ինձ համար լաւագոյնն է ըմպելեաց։ Գրգուեցուցիչ ըմպելիներէ զգոյշ կենալու են նոքա. թէյ, սուրճ եւ օղի շատ քիչ չափով գործածելու են միշտ։

Բաց յայսցանէ՝ ստնտուք շատ քիչ ուտելու են սոլսի, խստորի, պրասի եւ բողկի նման բանջարեղինները, զի նոցա անախորժ բուրումը կաթին մէջ անցնելով, կրնայ դիեցկին զըզուանք եւ զաղցանք պատճառել։

Սիրային եւ ամուսնական մերձաւորութիւնք թէ սակաւ լինին շատ աղէկ է, զի առանց նկատողութեան առնելու՝ որ նոցա յաճախակի շատութիւնը կրնայ երբեմն վերահաս յղութիւն մը յօրինել, յիշենք որ ընդհանրապէս ջղային դրութեան վրդովումները, ծննդական գործարանաց յոգնութիւններն և գրգու-

թիւնները կրնան մեծապէս վնասել կաթի հոսման՝ ստեանց եւ ծննդական գործարանաց մէջտեղն եղած ներքին անդամազննական եւ բնագննական սերտ առընչութեանց աղագաւ, ինչպէս ըսինք մեր առաջին գլւոյն մէջ։

Բաղնիքները կրնան օգտակար լինել երբեմն ստնտուին, առանց ծայրահեղութեան դիմելու սակայն։

Ծծմօր գլխաւոր պարտականութիւնը լինելու է նաեւ, ինչպէս յղութեան ժամանակ, նոյնպէս եւ կաթնտուութեան ատենը՝ մեծ խընամք տանիլ իւր ստեանց մաքրութեան եւ հանգստութեան։ Ծիծերը բնաւ առկախ վիճակի մէջ թողելու չէ, եւ փափուկ բամբակէ բարձուվ մը վեր միշտ ունելու է զանոնք, ծիծ տալէ անմիջապէս յետոյ պտուկը լուանալու է գաղջ ջրով, որպէս զի կաթի շիթեր հոն մնալով չի թթուին եւ դիեցկին չի վնասեն։

Լուանալէ յետոյ, ծիծերը լաւ մը սրբելով, ասուեայ կամ կտաւի կտորով մը պահպանելու է արտաքին ցնցումներէ, փուլոյ աղտեղութիւններէ զերծ պահելու համար զանոնք։

Նոյնպէս եւ ծիծ տալէ յառաջ, ծծմայրը մոռնալու չէ բնաւ լուանալ դարձեալ իւր պտուկները, նոյն ծակոտիքը բանալու, եւ կամ՝ թէ որ նախապէս հոն կաթի շիթեր մնացած են եւ չորացած՝ սրբելու համար զանոնք։

Ուշագիր լինելու է նաեւ ծիծ տուած ժամանակն իւր դիեցկին դրից, եթէ ինքն ապաքինեալ է իւր տղաքերքի տկարութիւններէն՝ լաւ է որ սովորապէս իւր ծիծը տայ նստուկ վիճակի մէջ, դիեցկին իւր բազկաց մէջ հանգչեցունելով եւ իւր կրծոց առջեւ զայն գրեթէ միշտ հակուղիղ դրից մէջ ունելով, այսինքն գլուխն ուներէն սակաւ ինչ բարձր։ Իսկ եթէ դեռ անկողնոյ մէջ է եւ

անկարող՝ի նիստ՝ կրնայ իւր կողիցը
վրայ հանգչելով, զիւր դիեցիկն ու-
նել իր քովիկը, զուգահեռական իւր
մարմնոյն երկայնութեանը. սոյն դրից
մէջ մայրը դիտելու է որ մանկան
ոնդունքն ստեանց մէջ թաղուելով
չի խփին, ազատ շնչառութենէ չի
զրկելու համար զայն :

Առաջին աւուրց մէջ դիեցիկն եր-
բեմն գծուարաւ կը գտնայ զպտուկը,
յայնժամ հարկ է որ ծծմայրը նա-
խապէս կաթիլ մը կամ երկու քա-
մելով՝ իւր ծիծն ապա մատչեցունէ
դիեցիկն շրթանց, ուշադրութիւն
ընելով որ փոխանակ բերանը դնելու
լեզուին ներքեւ չի միտ զայն, որ-
պէս կը պատահի երբեմն՝ երբ ման-
կիկն իւր լեզուին ծայրը վեր կանգնէ:

Շատ անգամ գծուար կը լինի ծիծը
դնել մանկան բերանը. մանուկը կը
պօռայ, կը գոչէ եւ չուզեր բնաւ
ծծել. սոյն գծուարութեան ժամա-
նակ երիտասարդ մայրերն երկայն-

ըմբեր լինելու են առանց յու-
սահատութեան, զի մանուկը պո-
ռալին գոչէլին յետոյ տակաւ կը
վարժի՝ի ծուծ, հակառակ պարա-
գայի մէջ լաւ է եւ խոհեմութիւն,
բժշկի մը խորհրդոց դիմել, քան
մանկաբարձ-կանանց (sage-femme)
կամ այլոց պառաւական նախապա-
շարմանց ունին դնել :

Եթէ կաթին հոսումն առատ է, լաւ
կը լինի որ մայրը չափաւորէ զայն՝
կաթի ծորակները մատամբք սեղմե-
լով ստեանց եւ պտուկին մէջ տեղը :

Ի վերջոյ՝ ուշադիր լինելու է գըլ-
խաւորապէս թէ աղանձու կը ծծէ, և
թէ ծծածը կուլ կուտայ, թէ ոչ միայն
ստեանց ծայրը ծծելով կամ լիզելով
կը գոհանայ նա : Եթէ մանուկն ա-
ռանց բաւականի ուտելու նիրհէ,
զայն զարթուցանելով հարկ է վերըս-
տին ծիծ տալ անոր :

Եթէ դիեցիկն աւարտէ իւր ծիծը,
նորա շրթունքն անմիջապէս գաղլ

ջրով սրբել հարկաւոր է, ինչպէս
նաեւ պտուկն եւ պտկոյծիրը, ա-
զատ կացուցանելու համար զանոնք
կաթին թթուութենէն՝ որ ինչպէս
ըսինք յառաջագոյն՝ գլխաւոր պատ-
ճառ մը կը լինի բամբակիկ (տացւետ)
հիւանդութեան ծագման :

Բաւական կաթն ուտելէ յետոյ երբ
մանուկը նիրհել սկսի, նոյնհետայն
զայն իւր օրօրոցին մէջ հանգչեցու-
նելու է, բազկաց մէջ ննջելու վատ
սովորութեան զայն չընտելացնելու
համար երբէք :

Ե՞րբ սակայն առաջին անգամ ծիծ
տալու է նորածնին :

— Առաջին նախնական խնամքն
հոգացուելէն անմիջապէս յետոյ կա-
րելի է շատ անգամ մանուկն հպե-
ցուցանել ստեանց. բայց լաւագոյն է
առանց շտապելու սպասել քիչ մը
ժամանակ, ինչպէս սովորութիւն է
միշտ եւ ֆարիզու մանկաբարձական
հիւանդանոցին մէջ, որ մայրն հանգ-

չի իւր ծննդաբերական յոգնու-
թիւններէն եւ վաստակէն. ծնուն-
դէն քանի մը ժամ վերջն ընդհան-
րապէս լինելու է առաջին դիեցումը,
առանց երկարելու սակայն եւ սոյն
միջոցը: Դիեցումն որքան կանուխ
սկսի, այնքան մեծապէս օգտակար
կը լինի մօրն, սորա ստինքը կանխաւ
զերծ պահելով բորբոքումներէ որք
յառաջ կուգան կաթին զեղմամբը:

Վաղեմի սովորութիւն մըն է,
ծննդեան եւ առաջին կաթնտուու-
թեան մէջ սահած ժամերուն, նո-
րածինն անօթի չպահելու համար,
նմա գաղջ շաքարջուր արբուցանել.
սովորութիւն մը երբեմն շատ վատ
եւ գէշ, զի եթէ պատահմամբ քիչ
մը աւելի շաքարջուր տրուի, մա-
նուկը չիկարենար զայն մարսել, ուս-
տի կ'սկսի նա չի քնել, պոռալ, ճշել
շարունակաբար՝ մինչեւ որ քանի մը
անգամ փախելով իւր արբածը դուրս
տայ:

Ընդհակառակն այն նորածինն որ
ազատ է սոյն սովորութեան մոլու-
թեանց ենթակայ լինելէ , խաղաղ եւ
հեզիկ կը նիրհէ իւր օրրանին մէջ .
շատ ուշադրութիւն հարկաւոր է ու-
րեմն այս մասին : Եթէ ծննդաբերը
շատ տկար լինելով աւելի երկար
հանգստեան պէտք ունենայ , այն
ատեն լաւ է մերթ ընդ մերթ միկ
կամ երկու սուրճի գրգալ միայն շա-
քարջուր տալ մանկան եւ երբ մո-
րըն հանգիստն աւելի երկարելու
պէտք լինի , աւելի շաքարջուր
խմցունելու գաղափարը բնաւ չի յը-
ղանալով , լաւ է սոյն մէկ կամ եր-
կու գրգալ շաքարջուրը՝ քանի մը
կաթիլ կովու , կամ լաւ եւս իշու կա-
թով սպիտակացունելով արբուցանել
նորածնին , եւ զայն միշտ գրգալով
չի խմցունելով , լաւ է այդ կաթնա-
խառն շաքարջուրը ծծակի միջոցաւ
մատակարարել , ինչպէս կը պատուիրէ
թուռսո , մանուկը ծիծ ծծելու սո-

վորութեան ալ միանգամայն վարժե-
ցնելու համար :

Մանուկը ծիծն ուտել սկսելէ յետոյ
բնաւ զայն թողելու չէ որ նեղուի
քաղցէ , երբեմն եւ շատ անգամ նո-
րա աղաղակներն եւ ճիշերն՝ որ պա-
ռաւներէ խիթի նշանակ լինել կը
կարծուին անմտութեամբ , ոչ այլինչ
են բայց յայտարար անօթութեան .
ուստի երբ գիեցիկը կարող է աղէկ
ուտել եւ խմել , շարունակ օրինա-
ւորապէս ծիծ տալու է նմա , մերթ
ընդ մերթ միջոց տալով անշուշտ որ
կերածը մարսէ : Հստ այսմ , ծննդ-
եան առաջին ամիսներն , օրը քսան
եւ չորս ժամուան մէջ ութ կամ
տասն անգամ ծիծ տալու է մանկան ,
այսինքն երկու ժամը մի անգամ
ցերեկն եւ երկու անգամ միայն գի-
շերը , ինչպէս կը պատուիրեն Բաժօ
եւ Թառնիէ մանկաբարձները : Չոր-
րորդ կամ հինգերորդ ամսէն սկըս-
եալ՝ նուազեցնելու է տակաւ սոյն

քանակն եւ վեցերորդ ամսէն յետոյ մանուկը կրնայ օրն երեք ժամը մի անգամ կաթն ուտել, կերակրոց յաձախութիւնը քիչցած պահուն առատութիւնը օրինաւոր լինելու պայմանաւ. այն ատեն օրը վեց ծիծը բաւական կը լինի անոր, չորս կամ հինգ անգամ ցերեկն եւ մէկ անգամ ալ գիշերը:

Մայրենի դիեցմանն յատուկ եղած պարտաւորութեանց եւ օրինաց գըլ-խաւորագոյններն այսպէս նշանակելէ յետոյ, կարեւոր կը համարիմ եւ դիտել տալ նաեւ, թէ ի՞նչպէս ճանաչելու է սոյն դիեցման լաւ կատարումը:

Դիեցկին լաւ կամ գէշ կաթնամնութիւնը, բաւականի կամ անբաւականի կաթն ուտելն իմանալու համար հարկ չէ շարունակ կշխո գործածել եւ մանուկը կշռել միշտ. առաջնոյ գործածութեան կարելի է տեղեկանալ սմա աւելի դիւրին եղանակաւ, եւ սակաւ ինչ փորձա-

ռութեան տէր անձ մը կրնայ զայն դիտել կամ մանկան ծիծ կերած ժամանակն եւ կամ յետոյ. Յայտնի է զի դիեցիկ մանուկը ծիծ կերած պահուն իւր շրթամբքը կ'ընէ միշտ շարժումներ՝ շարժմունի ծծման կոչուած, որովք նա կաթի ծորակաց մէջ արտաթորեալ կաթը դուրս կը քաշէ. սոյն շարժումներն ընելէն յետոյ երբ բերանը լեցուի, պահիկ մը դադարելով նա իւր ծծած կաթը կուլ կուտայ, որ ատեն նորա կոկորդին մէջէն լսելի կը լինի ձայնիկ մը՝ զոր եւրոպացիք կ'անուանեն կլու (glou), և զոր ես մեր Հայ մամիկներուն բառով կը սիրեմ կոչել կուռք, աւելի ստուգապէս եւ նմանաձայնութեամբ մեկնելու համար սոյն երեւոյթը. կութն ընելէ յետոյ մանկիկը քանի մը բոպէ հանգչելով վերստին կ'սկսի ծծել:

Ընդհանրապէս 5, 6, 7, եւ 8 ծծման շարժումէ յետոյ բերանին մէջ բանգ

ւականի կաթն կը ժողովի ՚ի կուլ-
թէ որ ծմօրկաթընուազէ, կուռորը
շատ մը ծծման շարժումներէ յետոյ
կը լսուի, եւ յաճախ մանկիկը սոյն
շարժումներէն պարտասելով՝ կը նիր-
հէ ծիծն ՚ի բերան առանց կշտանալու.
՚ի հակառակէն՝ եթէ կաթն յոյժ ա-
ռատ է, մանկիկը դրեթէ մէն մի
ծծման կուլ կուտայ եւ շատ անդամ
ալ կը տեսնուի որ կաթը նորա ըր-
թանց կապերէն գուրս զեղանելով
նորա այտերը կ'ակօսէ: Լաւ կաթ-
նակերութեան միջոցին դիեցիկը բնաւ
չի յոգնիր եւ չի քներ ծիծն ՚ի բե-
րան. երբ լաւ մը յագենայ, նա ա՛լ
չի կանչվուտեր եւ իր օրորոցին մէջ
դրուած պահուն անմիջապէս կը նիր-
հէ խաղաղիկ:

Թէ որ կաթի հոսման քանակը բա-
ւականի է, դիեցիկը տասն, տասն
եւ հինգ կամ քսան վայրկեանէն իւր
ծիծ ուտելն աւարտելու է. քսան
վայրկեանն անցնելէն յետոյ երբ նա

շարունակէ դեռ ուտելը, այդ կը
նշանակէ թէ կաթն առատահոս չէ:
Զափազանց կաթն ուտող մանկիկ-
ներն յաճախ կը փսխեն եւ աւելի
կերածնին դուրս կուտան. սոյն
փսխունքն բնաւ երկնչելու չէ, ան-
մեղ են անոնք, մանկանց չեն վսա-
սեր. սակայն մեծ զգուշութեամբ
շիղթելու չէ զանոնք բնաւ վատ
կաթէ պատճառեալ փսխունքի հետ,
որք ընդհակառակը վսասակար են
յոյժ:

Ընդհանուր օրէնք մը եղած է,
թէ այն մանուկներն որ լաւ ոնունդ
կ'առնեն՝ լաւ կարիք կ'ունենան նոքա
բնական վիճակի մէջ. պնդուրիննը,
քիչ բացառութեամբ, սովորապէս
անբաւական սննդեան նշանակ լինել
կը թուի, եւ վորանցուրինն ալ գէշ
կամ չափազանց սննդեան: Երբեմն
մանկանց փորանցութիւնը՝ կաթին
գէշութենէն կամ առատահոսութե-
նէն ՚ի զատ՝ կրնայ պատճառ ունե-

նալ եւ կաթին շատ հեղուկ վիճակը .
սոյն պարագային մէջ, լաւ կըլինի
նախապէս քանի մը դրգալ կաթն
քամելէ եւ թափելէ յետոյ տալ ծիծ,
զի ապա կաթն կ'սկսի տակաւ աւելի
թանձրութեամբ հոսել :

Դիեցման լաւ կատարման աւելի
եւս տեղեակ լինելու համար, զան-
ցառութիւն չընելով, հարկ է սո-
վորութիւն ընել, եւ ծննդեան նա-
խամիսներէն սկսեալ ամէն շաբաթը
կամ տասնեւկինդ օրը մի անդամ
կըռել զմանկիկը, որով եւ մայրն իւր
նորածնին աճումն ու զարգացումն
իր աչօքը դիտելով, կը խրախուսի
եւ սիրով կը քամէ իւր կուրծը նորա
համար, աւելի սիրով կը հոգայ նա
մէն մի խնամքը նորա տածման :

2º ԴԱՅԵԿԱՆ ԴԻԵՑՈՒՄՆ

(Allaitement mercenaire)

Երբ զանազան պատճառներ, որ-
պիսիք են, ժառանդական եւ ստա-
ցական ախտեր, կեղակարծ ստնային
հիւանդութիւնք եւ այլ բարոյական
անյարմարութիւնք, արգելք լինին
մայրենի դիեցման, յայնժամ հարկ
անհրաժեշտ է յանձնել նորածինը
դայեկի մը, եւ տածել զայն դայեկան
դիեցմամբ . առ այս երկու կերպ
դայեակ է սահմանուած . Առևնին
դայեակ (nourrice sur lieu), եւ Հե-
ռակաց դայեակ (nourrice à distance) :

Առևնին դայեակը միշտ նորածնին
ծնողաց հետ կը բնակի, որով հսկուե-
լով յարաժամ ՚ի նոցանէ՝ թէ նա է
լաւ դայեակ, նորա կատարած դիե-
ցումը չի տարբերիր բնաւ մայրենի
հարազատ դիեցումէն՝ յօգուտ նո-
րածնին :

Հեռակաց դայեակը, որ բարեբաղդ-
դաբար չկայ մեր ազգին մէջ, եւ չենք
ալ փափաքիր որ լինի, նորածնին
ծնողաց հետ չի բնակելով՝ նոցա զա-
ւակը կը դիեցունէ իրենցմէ հեռի,
մօտակայ թաղ մը, կամ հեռաւոր
գիւղ մը բնակելով։ Սորա կատարած
դիեցումն հաւասար չէ երբէք առ-
տնին դայեկին ըրած դիեցմանն, եւ
ոչ ալ լաւ քան զայն։ Վատթարա-
գոյնն է այն դիեցմանց, ընդհանրա-
պէս անբաւական եւ վնասակար, յո-
րում դիեցիկը զրկուած է գրեթէ
ծիծէ, անգթաբար եւ անխղճաբար.
յորում նորածինն ուրիշ բան չուտեր՝
բայց եւեթ ծծակի մը ծայրը, կամ
թան եւ ապուր. յորում փոխանակ
կենաց՝ մահ է գոգցես սահմանուած
հէգ եւ տարաբաղդ անմեղ նորա-
ծին, եւ սոցա քանի՛ քանի՛ տիսուր
պատմութիւնները կը կարդանք ա-
մէն օր լրաթերթից մէջ, եւ քանի՛
քանի՛ անգամներ եղեւ մեղ դժբաղ-

դաբար ականատես լինել նոցա 'ի
ֆարիզ, մեր ուսանողական աւուրց
մէջ։

Ո՞ր եւ իցէ կերպով գայեակ մը
փնտուուած ժամանակ, նկատելու է
ուշադրութեամբ որ ունենայ նա հե-
տեւեալ յատկութիւնները։

Նախ հարկ է որ լինի նա զօրա-
ւոր եւ առողջ կազմութեան աէր.
տարիքը լինելու չէ ոչ պակաս քսա-
նէն եւ ոչ ալ աւելի երեսունէն.
ժառանգական կամ ստացական ախ-
ալից հետք ունալու չէ նա բնաւ իր
վրան. բնաւորութիւնը նայելու է
որ կարելի եղածին չափ լինի քաղցր
եւ հեզահամրոյր. ժիր լինելու է նա,
վաստակասէր եւ հանճարեղ, որպէս
զի իւր խնամոցն ապաւինեալ մա-
նուկը լաւ տածէ եւ հոգածութեամբ։

Առ նուազն երկու ամիսէ 'ի վեր
ծննդաբերած լինելու է նա, զերծ
արդէն ծննդաբերական տկարու-
թիւններէն եւ հետեւանքներէ. լս-

պիտակ կամ կարմիր հոսումներ ունենալու չէ նա վերջապէս, որպէս զի ժամանակէ շատ կանուխ, յեղակարծ կերպով նորածինն յստենէ անջատելու երկիւղ չի լինի:

Դայեկան դիեցման արդէն վարժստնտուներն ընտրուելու են ընդհանրապէս ՚ի դայեկութիւն. զի սոքա նորածնին տածմանն յատուկ խնամոց աւելի ներհմուտ եւ հոգածու կը լինին, քան զսնդրանկածին եւ նոր դայեկաները:

Պահանջելի սոյն յատկութիւնները փնտուելէն յետոյ, հարկ է ապա դայեակը բժշկի մը տանելով, զայն ենթարկել բժշկական մի քննութեան՝ աւելի ապահով լինելու համար նորա կազմութեան վիճակին վրայ՝ բնաւ զանց առնելու չէ երբէք այս կէտը. ամէն ոք չունի այն կարողութիւնը՝ զոր ունի բժիշկ մը մարդուս առողջ կամ անառողջ վիճակն իմաստու համար: Բժիշկը կարողութիւն

ունի եւ արուեստ թարգմանելու դիմաց այլ եւ այլ գոյներն եւ գծերը, թոքերու եւ սրտի բնական կամ անբնական վիճակները, եւ վերջապէս զանազան հարցմանց դարձուածներով ակներեւ հանելու առողջապահական շատ գաղտնիք՝ զորս մարդիկ թաքուցանել կը նկրախն երբեմն ստախօսութեամբ և խարէութեամբ: Ուստի հարկաւոր է ունենալ բժշկի մը վկայութիւնը՝ դայեկի մը առողջ կազմութեանը, նորա ստեանց, պըտուկին եւ կաթին լաւ վիճակին վըրայ աներկմիտ լինելու համար:

Վերոյգրեալ օրինաց համաձայն դայեակն որոշուելէ յետոյ, մոռնալու չէ բնաւ ուշադրութեան ակնարկ մը ձգել եւ նորա զաւկին վրայ, զի ինչպէս կ'ըսեն մանկաբարձ գիտնականք, զաւակը լաւագոյն միջոց մը եւ հայելի՝ դայեկի մը կարին յատկուրիւնն ստոգելու համար: Ուստի նայելու է թէ նորա զաւակը քաջա-

ոռղջ կերպարանի տէ՞ր է . թէ այտերը լի՞ են . զայն հանուեցունելով նայելու է թէ նորա մարմինը լաւ զարդացած է եւ պարարտ , թէ սըրունքն եւ նստոյ տեղին ցցուած են եւ գէր , եւ զայն գրկելով դիտելու է թէ նա իր տարիքին համեմատաբար ծանրակշիռ է , որով կարելի կը լինի յայնժամ իմանալ թէ դայեակը լաւ կաթի տէր է , եւ լաւ ստնտու :

Դայեակն ընտրելէ յետոյ՝ գլխաւորապէս ուշադիր լինելու է նորա օրինաւոր սննդեանը . լքանելու չէ զնա բնաւ իրեն ստրուկ եւ ծառայ նորա կենաց պահանջներն եւ սնունդը յար եւ նման լինելու են ստընտու հարազատ մօր սննդեան՝ զոր նշանակեցինք մայրենի դիեցման վըրայ խօսած ժամանակնիս . կան շատ փարթամազուն անձեր որք անմտութեամբ իրենց դայեկէն կը գրկեն շատ անդամ ամէն բան , չի մտածելով բնաւ թէ այդու աւելի իրենց ե-

րախային կը վնասեն քան դայեկին : Դայեկան դիեցման համար մասնաւոր պարտաւորութիւններ կամ օրէնքներ չկան . ինչ օրէնք որ սահմանուած է մայրենի դիեցման համար , նոյնն է եւ դայեկանին համար . ուստի առանց կրկնելու զանոնք ուրիշ բան չի մնար մեզ առնել , բայց հրաւիրել ծնողաց եւ մարց խնամածու ուշադրութիւնն այս մասին նոցա վրայ :

Երբ ո՞ր եւ իցէ աղագաւ հարկ լինի փոխել դայեակը , զգուշաւոր լինելու է սոյն պարագային մէջ , կանխաւ չի գեկուցանել զայն դայեկին , որպէս զի թշնամական ոգի մը չի սնուցանէ նա իւր մէջ ՚ի վնաս դիեցկին եւ կամ յանկարծ բարկութեան կրից ենթակայ լինելով , չի վնասէ նա իւր կաթին : Պէտք է նոր դայեակը պատրաստել , զայն տուն բերել նախ , եւ ապա ճամբել հինք :

Դայեկի փոփոխութեան աղագաւ ,

երբ մանկիկը մերժէ նոր դայեկին
ծիծը ուտել, վհատութեան եւ յու-
սահատութեան մէջ իյնալու չէ եր-
բէք. սկսելու է նախ մութին մէջ
տալ անոր ծիծ, որով տակաւ մոռ-
նալով նա իւր հին դայեակը, կ'ըն-
տելանայ նորեկին:

Բնական դիեցման սոյն այս երկու
կերպին նկարագրութիւնն ընելով,
չեմ ուզեր դեռ յառաջանալ խօսե-
լու մանրամասնօրէն այն ամէն հի-
ւանդութեանց եւ պատճառաց մա-
սին՝ որք կը աեսնուին դիեցման ժա-
մանակ կամ մօր եւ կամ տղուն վրայ՝
եւ արգելք կը լինին բնական դիեց-
մանց. զանց առնլով այդ կէտերը՝
կ'ուզեմ իբր վերջաբան քանի մը
խօսք ընել, Մոցման կամ կարէ կտրե-
լու գործողութեան վրայ՝ առանց
որոյ անկատար կը մնայ մեր դասը
դիեցման:

ԳԻՌԻԿԱ Ե.

ՄՈՑՈՒՄՆ

ԿԱՄ

ԿԱԹՆԱՏՈՒԹԻՒՆ

Մոցումն (⁽¹⁾) (sevrage), որ մեր
գրական ոճով կոչի եւ անցառումն ի

(1) Մեր նորածին Հայ բժշկական գրակա-
նութեան մէջ, առաջին անգամ մենք կը
համարձակինք գործածել սոյն բառն, ի թարգ-
մանութիւն ֆոռանսերէն sevrage բառին՝ ո-
րոյ համար կը գրեն այժմ ոմանք կարնա-
հառութիւն բառը. Այս բառն թէ գէթ առանց

ստենի կամ ֆեցումն, եւ կամ ընտա-
նի բարբառով, ծիծէ, լրադէ լորել,
է այն արարողութիւնն՝ յորում կաթ-
նաբուծիկ մանկիկն, իր մօրը կամ դա-
յեկին ծիծն ուտելէ այլ եւս դադա-

(հա) զանկն ունենալոյ՝ կարհատութիւն մի-
այն լինէր, չունէինք ինչ ասել, բայց կար-
նահատութիւն գրուելովը, մեզ համար այդ
բառն ո՛չ-զինական եւ անյարմար կը թուի,
զի կը նշանակէ ըստ մեզ ո՛չ թէ կարէ կրտ-
րելը, այլ կարին լորիկը պատինքն բրուիլը :
Սորա տեղ նախամեծար կը համարինք մեր
նախնեաց տոնումն կամ ֆեցումն բառերը
զորս 'ի գործ ածած է եւ մեր անզուզական
զորս 'ի թարգմանիչը, Հայր Եղուարդ Հիւր-
ողբալի Թարգմանիչը, Հայր Եղուարդ Հիւր-
ողբալի միւզեան, իւր Վիրգիլեայ հովուականաց
Թարգմանութեան մէջ, ուր կ'ըսէ .

Եւ ոչ Փիլիս կայր առ իս զի տոն եւ ֆեց
'ի կարանէ,
Առտընին բզգառինս 'ի բաց 'ի մարցն
մակաղէր :

(Վիրգիլ. Հով. Երգ 7 Երես 95)

Յարմարազոյնն եւ աւելի կոկիկը թուի
մեզ Մոցումն բառը, մինչեւ որ մի օր
ւելի յարմարազոյնն ստեղծէ մի ուրիշ գրող
-բժիշկ կամ Թարգմանիչ :

րելով, նախ կովու կամ իշու կաթով,
եւ ապա այլ եւ այլ կերակուրներով
սնանելու կը վարժի հուպ ընդ հուպ :

Մանկական առողջապահութեան
գլխաւոր խնդիրներէն մին է մո-
ցումն՝ որ մեծապէս զբաղեցուցած է
դարուս մանկատաճ-բժիշկներէն (mé-
decins des enfants) թռուսօի, Ար-
շամպօի եւ ժիւլ Սիմոնի նման գիտ-
նականներ, Մոցումը կամ կաթնա-
տութիւնն ամէն նորածնի համար
դառն ճգնաժամ մի է՝ լի այլ եւ այլ
հոգերով, միշտ երկիւզաւոր, յաձախ
տաժանական եւ երբեմն ալ դժբաղ-
դաբար աղիտաբեր : Զրկել նորա-
ծինը, այդ փափուկ եւ տխեղծ ա-
րարածը՝ իւր միակ սնունդէն, ան-
ջատել զայն իր մօրը կաթէն, իւր
կենացն ոգեստու այդ պատուական
աղբիւրէն, և տանել ենթարկել զայն
մի նոր սննդեան զարմանազան կե-
րակրոց, մեծ խնդիր մընէ արդարեւ .
մեծ խնդիր մը, այո՛, որ ո՛չ նուազ

արտասուաց եւ ողբոց առիթ է ե-
ղուծ եւ կը լինի ամէն օր : Երանի
այն մօր, երանի եւ այն նորածնին,
որ մոցման բիւրապիսի ահարկու
արկածներէն ազատ են ապրած :

Մոցման ժամանակն է որ (թէ լի-
նի այն վատ) կը պատահին փորան-
ցութիւնք եւ ընդերային պէս պէս
բորբոքմունք մանկանց . անխորհուրդ
մոցման ատենն է որ մանկական ֆո-
լիրան (choléra infantile) ծնունդ
կ'առնու՝ իւր օրհասաբեր ողբալի կո-
տորածներն աւարելու : Նորածնին
ստամոքսը , նուրբ եւ փափուկ , վարժ
ցայնվայր միայն մօրը կաթը մար-
սելու , թէ փոքր ինչ անմարսութեան
տեղի տայ , կամ անյարմար կերակուր
մի ունենայ իւր մէջ , կ'ապստամբի , և
ահա պատճառ կը լինի այն բազում
հիւանդութեանց՝ որք նորածին ման-
կըտոյն սնարը կը թափառին միշտ
եւ յարաժամ , ՚ի քթթելական զայն
կուլ տալու սպառնալեօք : Սոյա տը-

խուր օրինակներն գիրազդաբար ան-
տես չեն մեր աչաց զօրհանապազ :

Քանի ուշադրութիւն հարկաւոր
է ուրեմն այն պահուն , եւ որպիսի
երկիւղածութեամբ սերտել պարտա-
ւոր ենք մեք այն ամէն պայմաններն՝
որք կարեւոր են մոցման պահուն՝
յօդուտ մեր մանկուոյն եւ նորա ա-
ռողջ կենցաղին :

Մոցումը կրնայ լինել Տակաւ կամ
վերահաս . վերջին եղանակը վերա-
պահեալ լինելով միմիայն արտասո-
վոր բացառիկ պարագայից՝ առաջինը
միշտ նախամեծար է համարուած զի
սա անմիտաս է , մինչ նա կրնայ ստա-
մոքային կամ ընդերային հիւանդու-
թեանց ենթակայ առնել զստնդեայն :

Ե՞րբ է սակայն մոցման ժամանակը :

— Ըստ մանկաբարձ բժշկաց , կա-
նուխ եղած մոցումը , զոր օրինակ ,
տարիէն , մանաւանդ վեց ամսէն յա-
ռաջ եղածը՝ վատառողջ կ'ընէ զման-
կիկը , եւ վափա եւ խեղանդամ եր-

բեմն . նոյնպէս եւ շատ անգամ եղածն ալ կ'ունենայ շատ անգամ չար հետեւանքներ . զի յանժամ մանկիկն իւր աճման համեմատաբար բաւական սնունդ չառնելով , կը հիւծի եւ կը վատթարանայ :

Ընդհանրապէս 12 րդ ամսէն մինչեւ 18 րդ ամիսը տեղի ունենալու է մոցումը . եւ այս իսկ է արդէն կարծեմ Հայոց ալ սովորութիւնը : Ֆըրանսայի մէջ տարիուկէս ծիծ կուտան , եւ Գերմանիոյ , մանաւանդ Անգլիոյ մէջ ալ սովորութիւն է միայն մէկ տարի ծիծ տալ :

Մոցումն առնելու ժամանակը նախ եւ յառաջ մօր եւ մանկան առողջութեան ուշադիր լինելու է , եթէ մայրն յոգնած է և տկարացած , զայն կանուխէն զերծուցանել դիեցման յոգնութիւններէն՝ լաւ իսկ է . եւ եթէ տղան հիւանդ է , յայնժամ թողելու է որ դեռ քիչ մը ատեն ու տէ նա ծիծ :

Ուշադիր լինելու է նաեւ տարսոյն եղանակին եւ մանկան ատամնարուսութեան ժամանակին : Մոցելու չէ երբէք ամառնային տապերու ատեն . զի յայնժամ կովու կամ իշու կաթն որ գլխաւոր կերակուրը պիտի լինի տածման՝ կրնայ շուտ շուտ թթուիլ եւ մարսողական վրդովումներ առթել մանկան . նոյնպէս եւ ատամանց ծլած ժամանակ մոցելու չէ , եւ չսպասելով որ մանկիկն այսափի կամ այնչափ ակռայ ունենայ , երբ այս կամ այն խումբ ատամանց բուսնիլն աւարտի՝ յանժամ ընելու է մոցումը :

Եւ թնչապէս ընելու է այն :

— Երբ մոցման յարմար ժամն հասնի , բաւական է երախայն իւր մօրմէն կամ դայեկէն հեռացունելով , յանձնել զայն այնպիսի մէկու մը որ խնամ ունենայ տածել զայն հոգածութեամբ , տալով նմա ցերեկն այն կերակուրներէն որոց սովորած է

նա յառաջագոյն, որպէս կաթն եւ արգանակ, եւ գիշերներն ալ նախ քիչ մը շաքարջուր, յետոյ երքիչ մը շաքարջուր, յետոյ երդորդ եւ չորրորդ գիշերները, միայն ըորդ եւ չորրորդ գիշերները, միայն ըորդ զուր տալով, տակաւ վարժեպարզ զուր տալով, տակաւ վարժեցունէ զայն՝ առանց գիշերային կերակրոյ ննջելու սովորութեան, որով բիշ օրէն կը մոռնայ տղան իւր ծիծն, եւ առանց զայն փնտուելու կ'երթայ իւր նախկին ծծմօր գիրկը, կարելի նախկին ծծմօր գիրկը, կարելի զել զայն. այն ատեն հարկ է մօրը ծիչն վրայ լեզի նիւթեր քսել, օրըստ օրէ տղուն ծիծ ծծելու փաքն անհետ առնելու եւ ննջելու փաքն անհետ առնելու եւ ննջելու գիրաք, որպէս ծանօթ է այս արհամար, որպէս ծանօթ է այս արհամար, որպէս ծանօթ է այս արհամար:

Սակայն մոցելէ յետոյ ուշադիր լին նելու է հոգածութեամբ մանկան կերածներուն, եւ յանկարծ ենթարկերածներուն, յանկարծ ենթարկելու չէ զայն դժուարամարս կերկելու չէ զայն դժուարամարս կերկելու չէ զայն դժուարամարս կերկելու չէ զայն դժուարամարս կերկելու չէ զայն, մինչեւ որ նորա ատա-

ներէն՝ զորս յիշատակեցի վերեւ : Կաթն՝ ինչպէս յառաջ քան զմոցումն, նոյնակս եւ յետոյ, առաջին եւ միակ գլխաւոր կերակուրը լինելու է մանկան: Մօրը կարին անջաւելով զայն անզգալապիս եւ տակաւ անասնոյ կարին յանձնել նորա սածումը. այս պէտք է լինի մոցման առաջին սկզբունքը, ինչպէս կը սկատուիրէ եւ Տօք. Գոմպի ֆրանսացին:

Ընդեղինաց ու մսեղինաց սովորութեան շատ ուշ սկսելու է, եւ երկար ատեն շարունակելու է կաթի ջամբը, մատակարարելով զայն երբեմն գաւաթով կամ դրդալով, եւ կամ այծի կամ իշու ստեանց պտուկը ծծել տալով մանկան:

Կաթնապուր, կաթով ձու կամար գանակ կարելի է կերցունել իրեն, ուշադիր միշտ լինելով որ կերածները լինին շարունակ հեղուկ վիճակի մէջ: Պինդ կերակուրներէ հեռի պահելու է զայն, մինչեւ որ նորա ատա-

մունքն ամբողջացած լինին եւ ինքն
տակաւ վարժի ծամելու եւ ծամածը
կուլ տալու :

Նոյնպէս սուրձի եւ գինւոյ նման
ըմպելիներ արբուցանելու չէ անոր,
եւ ջուր իսկ սակաւ տալու պայմա-
նաւ՝ միշտ կարն, դարձեալ կարն եւ
շարունակ կարն տալու է մանկան :

ԳԻԵՑՈՒՄՆ Զ.

ԱՌԱՋԻՆ ԵՒ ՄԵԾ ՊԱՐՏԱԽՈՐՈՒԹԻՒՆ

ՅՆԻ ԿԱՍԱՆՑ

1. Յոռի ընծայումն սաղմին 2. Անդրաշը-
քել սաղմին արտաքին հնարից միջոցաւ



Բնական գիեցումէն յետոյ՝ անյար-
մար իմն գուցէ թուի գրել յդի կա-
նանց սոյն այս առաջին եւ մեծ պար-
տառութիւնը. բայց սորա անժխտելի
կարեւորութիւնը, որոյ մասին կը

գրէի ես երբեմն Փարիզէն⁽¹⁾, այն-
չափ զգալի կը լինի օր ըստ օրէ, որ
Դիեցման վրայ խօսած պահում՝ չեմ
կարող լուել, եւ չենթադրել մի սերտ
առընչութիւն Դիեցման եւ այս մեծ
պարտաւորութեանը մէջ։ Արժանի է,
ըստ իմ գաղափարին, հրաւիրել մեր
սաղմատիկ մարց ուշադրութիւնն եւ
այս պարտաւորութեան վրայ՝ ուրկէ
երբեմն եւ շատ անդամ կախեալ է
ծնունդին կամ ծննդաբերին կորուս-
տըն եւ փրկութիւնը, իմա՞ կեանքըն
եւ մահը։

Ոկտինք ուրեմն քննել թէ ո՞րն է
այդ առաջին եւ մեծ պարտաւորու-
թիւնը։

Ծանօթ է ամենեցուն, որ յղու-
թեան բնական ժամանակին լրանա-
լէն յետոյ, երբ ծննդաբերութեան
(accouchement) ժամն հասնի, նոյն
պահուն տեղի ունեցած գործողու-

(1) Տե՛ս Արշալոյս Արարատեան Զմիւռ-
նիոյ՝ ի թիւմն 1303, 1305 եւ այն 1884 ամի :

թեանց նպատակն է, յղացման ար-
դիւնքն, այսինքն սաղմը կամ ման-
կիկը մօրն արգանդէն դուրս վտա-
րել. եւ արգարեւ շատ մը մայրենի
ցաւոց եւ հեծութեանց տեղի տա-
լէն յետոյ, մանկիկը կը թողու վեր-
ջապէս իր մօրն արգանդը, դուրս
ելնելու համար բողորովին եւ նորա
ծննդական միւս գործարաններէն։
Յայտնի է օր այս կերպ ծննդաբե-
րութիւնը կոչի բնական ծննդաբե-
րութիւնն կամ բնական ծնունդ (ac-
couchement normal), որուն մանրա-
մասն բացատրութիւնն եւ նկարա-
գրութիւնը զանց առնելով, կ'ուզեմ
միայն նորա անբնական վիճակին վը-
րայ պարզ հայեացը մը դարձունել,
մեր բուն նիւթը, մեր անուանած
առաջին եւ մեծ պարտաւորութիւնն
յդի կանանց, տակաւ լուսաբանելու
համար։

Բնական ծննդաբերութեան մէջ
մանկան ելն (la sortie) անարգելկամ

ըիչ դժուարութեամբ լինելու համար, հարկ է որ սաղմն արգանդի բերանն (օրինաց ստերին) ընծայի բնական վիճակի մէջ, այսինքն զիխիվայր՝ յորում երբեմն ծագած դժուարութիւններն 'ի բաց առնով, գիտնանք՝ որ ծննդաբերութիւնն հարիւրին 90 եւ 95 արգասաւոր է միշտ: Հակառակ պարագայներ երբ հանդիպին, իման փոխանակ զիխիվայր բնական ընծայման (¹), մանուկը մի այլ գիրքով, իւր ոտներէն, երանէն եւ կամ մանաւանդ իւր աջ կամ ձախ ուսէն դուրս ենել ուզէ, ծննդաբերութիւնն իւր բնական վիճակը կորու-

(¹) Ծննդաբերութեան մէջ ընծայումն (présentation) ըսուածն է, մանկան որ եւ է մէկ մասին, մօրը կոնքին (bassin) մէջ վերջնականապէս զետեղիլը (s'engager) կամ զետեղելու հակամէս լինելը, որւր ելնելու համար. ըստ պատմ, մանուկն ունի զլաւորապէս երեք կերպ ընծայումն.

4. Գլխիվայր կամ զիխոյ ընծայումն (présentation de la tête).

սանելով, կը դատապարտի արհեստականին (accouchement artificiel), յորում սաղմնահան (forceps) գործոյն հզօր կարողութիւնն ալ առոշինչ գրելով՝ մանկաբարձական գործողութիւնք են որ կ'իշխեն՝ մօր եւ մանկան համար աղիտաբեր վտանգաց ծնուցիչ լինելու սպառնալեօք. մանաւանդ ուսոյ ընծայման ժամանակ՝ յորում մանկան կեանքն ոչնչացունելով, գէթ մօրը կեանքը միայն ազատելու կը նկրտի մանկաբարձը:

Բնական գլխիվայր ընծայման հակառակ եղած ընծայումները՝ որպէս, երեսի, երանի, ծնդաց, ոսից եւ

2. Ուսոյ ընծայումն (présentation de l'épaule).

3. Երանի ընծայումն (présentation du siège), որը եւ ունին այլ եւ այլ մանրամասնութիւններ, բայց աւելորդ կը համարիմ թուել աս զանոնք, բանի որ մեր նիւթը չեն մանկան այլ եւ այլ կերպ ընծայումներն ի մասնաւորի:

մանաւանդ ուսոց ընծայումները կոչին յոռի ղնճայումներ (mauvaises présentations)։ Սոցա պատճառներն են միշտ գժբաղդաբար բնական թերութիւնք, զոր օրինակ, մայրենի կոնքի անձկութիւնը (rétécissement du bassin), յորում կոնքի տրամագծերը վաղեմի հիւանդութեանց պատճառաւ կարճացած լինելով եւ չի յարմարելով բնաւ մանկան գլխոյ բնական տրամագծերուն, կը մերժեն զայն եւ մարմնոյն ուրիշ յարմարագոյն տրամագիծն ունեցող մասը կ'ուզեն պարունակել իրենց մէջ։

Սաղմին փոքրութիւնն ալ կրնայ տեղի տալ յոռի ընծայմանց, սակայն գլխաւոր պատճառ նկատուած է, նա՝ զի, արգանդին յաճախակի ծննդաբերութեամբ հետզհետէ ստացած լյանածաւալ վիճակը, կամ արգանդին մէջ ձուային ջուրց (liquides amniotiques) հոծ առատութիւնը, յորում սաղմն իւր բնական շրջկէն եւ

խաղացող վիճակին հետ եւ աւելի ազատ ասպարէզ գտանելով ի լիւղ, կը պատահի որ անկանոն շարժումներով փոխանակ գլխոյն՝ յանկարծ մարմնոյն մի ուրիշ անյարմար մասը զետեղէ կոնքին մէջ, եւ տեղի տայ այդու յոռի ընծայմանց՝ որոց հետեւանքը շատ անգամ չար եւ տխուր, հազիւ փոքրամասն յաջողութիւն մը կրնան ծնուցանել, եւ այն՝ չնորհիւ մանկաբարձական գիտութեան բարեխիղճ վաստակոց եւ հսկայաքայլ յառաջադիմութեանց։

Նախնի ժամանակները, ծննդաբերութեանց ընծայումներն երբ լինէին յոռի, մանկաբարձ կոչուած անձինք կամ բժիշկներ, սոյնգունակ պարագայից մէջ ոչինչ առնելու կարող չէին. հակառակ իրենց ծանօթ համբաւոյն եւ գիտութեան, զինաթափ կը լինէին եւ խաւար տգիտութեամբ հանդիսատես միայն կը մնային խեղճ ծննդաբերից չարաչար տան-

ջանաց եւ հեծութեանց . պարզ ա-
սելով , այդ մարդիկը ծննդաբերու-
թեան կենաց եւ մահու դժուարին
եւ յուսահատ վայրկեաններու մէջ ,
կը կանչուէին , ըստ իս , ոչ թէ իբր
մանկաբարձ փրկարար բժիշկներ , այլ
տարաբաղդ ծննդաբերից աչկունքը
մշտատեւ քնով կափուցաննելու պաշ-
տօն ունեցող իբր անգետ մասնագիտ-
ներ : Այո՛ , նախնի դարուց ծննդա-
բերք եւ ծնունդք մահու ճիրանանց
որսեր էին անկասկած , մինչեւ որ
տակաւ մանկաբարձական գիտու-
թիւնք սկսան յառաջ ընթանալ , եւ
վերջապէս մի օր , անմահն Ամպրուազ
Բարէ 1560 ին կանոնաւորեց եւ ընդ-
հանրացուց ներքին հնարիւք սաղմին
յուրի ընծայումն անդրաշընելց դըժ-
ուար արհեստը , իրմէ դարուկէս յա-
ռաջ , 1512 ին , Վիլանովա եւ Պէ-
նէվիէն բժշկաց կողմանէ հնարուած ,
որով մանկաբարձը կանուխ պա-
տեհ առթի մէջ (թէ որ լինի միշտ) ,

ձեռքը ծննդաբերին արգանդին մին-
չեւ խորը մխելով , գիտցաւ մանկան
յոռի եւ անկանոն դիրքը յար-
մարագոյն դրից փոխել , զայն
դուրս հանելու համար . սոյն նո-
րագիւտ գործողութիւնը տակաւ
Բառէի աշակերտներէն ալ կատա-
րելագործուելով ծնոյց և կը ծնուցա-
նէ ցայսօր մեծամեծ օգուտներ :

Այո՛ , վաղամեռիկ ծննդաբերից
թիւն սկսաւ քիչ մը նուազիլ , սա-
կայն սոյն ներքին հնարիւք անդրա-
շըրշելն (version par manœuvres
internes) իւր գգալի եւ մեծ օգուտ-
ներուն հետ ունեցաւ եւ ունի ոչ
նուազ վտանգներ եւ անյարմարու-
թիւններ : Երբեմն պարագայից մէջ ,
զոր օրինակ ծննդաբերութեան շատ
յառաջացած ժամանակն եւ արգան-
դին խիստ կծկած վիճակին մէջ ,
սոյն գործողութեան արդիւնքն էր
եւ է ցարդ ՈԶԽՆԶ : Մահաբեր միշտ
մանկան համար , մահաբեր էր եւ է

մօրն համար. տեսնուեցաւ եւ կը տեսնուի դեռ արգանդի ցեղունն (rupture de la matrice), եւ յանկարծահաս մահ ծննդաբերին, երբեմն եւ շատ անգամ ալ անկարելիութիւն մանկիկն արգանդէն դուրս հանելու, որով մանկաբարձք խոչեմութիւն եւ պարտականութիւն համարեցին մանկան սպանմամբը գէթ մօր կեանքը փրկել. եւ յիշելով օրինաց այն կէտը, թէ «Մօրն իրաւանց քով կը լոեն միշտ մանկան իրաւունքը», հնարեցին այսու զըլիափշութիւն (céphalotripsy) կամ զանկահատութիւն (craniotomy) եւ մանաւանդ սաղմնահատութիւն (embryotomy) ըստուած վտանգաւոր գործութիւնքն՝ որոց արդիւնքն արդարեւ միշտ եւ յարաժամ աղիտաբեր մանկան համար, սակայն փըրկարար եղաւ եւ է ծննդաբերից՝ սակաւ բացառութեամբ:

Զի գոհացան սակայն մանկաբարձք

միայն այս գործողութիւններով, եւ աւելի դիւրին եւ անվտանգ կերպով մօր եւ մանաւանդ մանկան ալ կեանքը փրկելու տենջանօք՝ դարուց եւ տարիներու մեծ զոհաբերութեանց ականատես եւ հեղինակ լինելի յետոյ, յաջողեցան վերջապէս ստեղծել մեծ փրկարար միջոց մը մանկաբարձական արուեստին մէջ, եւ այդ փրկարար միջոցն եղաւ, ԱՆԴՐԱՇՐՋԵԼ ՍԱՂՄԻՆ ԱՐՏԱՔԻՆ ՀՆԱԲԻՑ ՄԻՉԱՑԱՒ (version par manœuvres externes) ըստուած գործողութիւնը:

Սոյն փրկարար գործողութեան հետ եւ ծնաւ ահա յդի կանանց համար մեծ եւ առաջիկ պարտաւորութիւնն մը՝ զոր չիբացատրելով դեռ, կ'ուզեմ նախ գոյզն գազափար մը տալ այս վերջին գործողութեան վրայ, որով ապա հեշտիւ պիտի իմացուի թէ ո՞րն է եւ ի՞նչ է յդի կանանց այդ մեծ եւ առաջին պարտաւորութիւնը:

Բժշկական աշխարհին մէջ մանկաբարձական ծիւղն իւր զանազան յառաջադիմութեանցն հետ, արդարեւ հիասքանչ արագութեամբ մեծ զարգացում մը տուաւ գիտութեան, եւ կենդանի արձան մը կանգնեց իւր այս նոր գիւտովը. արձան մը՝ որ դարուց 'ի դարս պիտի մնայ անջինջ, յանմուաց յիշատակ գիտութեանց հզօր կարողութեան, եւ 'ի փրկութիւն ծննդաբերական անհնարին եւ մահաբեր պարագայից :

Ի՞նչ է արդ այս գործողութիւնը : —Աւրասին հնարից միշոցաւ անդրաշրջելն, զոր թերեւս մի օր 'ի պատիւ իւր հեղինակին կամ զարգացուցչին՝ բժշկական միութիւնք մկրտեն զայն Վականեան ԳՈՐԾՈՂԱԹԻՒԻՆ անուամբ, է պարզ, անմեղ եւ անվտանգ, բազմարդիւն եւ կենսապահ, գործողութիւն մը, որուն նը-պատակն է, յոռի կամ վտանգաւոր ընծայմանց ժամանակ, փոխան ներ-

քին հնարիւք անդրաշրջելու, կամ այլ գժուարին գործողութեանց դիմելու, զգուշաւոր լինելով՝ կանուխին, նախ քան զծննդաբերութիւն, բոլորովին պարզ հնարներով, արդանդին մէջ եղող մանկան յոռի դիրքը փոխել յարտաքուստ, կամ շրջել զայն, եւ նորա տեղ յարմարագոյն կամ բնական դիրքը բերել զետեղել մայրենի կոնքին մէջ :

Այս գործողութիւնը նորածին դեռ քաղաքակիրթ աշխարհաց մէջ, կ'ըսուի թէ վաղածանօթ էր արդէն հնոց, եւ արդարեւ բժշկական պատմութեանց մէջ կը յիշատակուի թէ Արեւելեան ազինք եւ Մեքսիկացիք, դեռ ցայսօր սովորութիւն ունին, յղութեան վեցերորդ ամէն ամիս, ծննդաբերից փորը շփել եւ ստիպել մանուկն՝ որ իւր յոռի դիրքը (թէ ունի) փոխելով՝ գլխիվայր ներկայանայ արդանդին բե-

րանը. Եւ թէ որ սոյն միջոցն անօգուտ լինի եւ ապարդիւն, յայնժամ յղի կինն ոտներէն կախելով կը տառանեն զայն, մինչեւ որ նորա յղացման արդիւնքն իւր յոռի դիրքէն դառնայ բնական անվտանգ դիրքին: Ճարոնացիք եւս, եւ նման ազինք, ի գործ կ'ածեն եզեր միշտ սոյնգունակ կամ այլակերպ միջոցներ՝ բարբարոս եւ վայրենի, ինչպէս կ'ըսէ Տօք. Շառբանթիէ, որոնց նպատակն ուրիշ բան չէ՝ բայց ապագայ վտանգաց առաջքն առնուլ, մանկան ընծայման յոռի դիրքն արտաքին հրնարից միջոցաւ անդրաշընելու համար:

Վայրենի եւ անքաղաքակիրթ պանց սոյն գրեթէ ընդակից եւ բնածին սովորութիւններն ՚ի նկատ առնուելով, գիտնականներն ուզեցին յօդուտ ՚ի կիր արկանել զայնս եւ թուականէս ՚ու տարի յառաջ, 1817 ին, չամպուրկցի վկիկան անուն ման-

կաբարձ-բժիշկը, սոյն բարբարոս սովորութիւնները բարեփոխելով եւ կարգաւորելով ըստ մանկաբարձական գիտութեան՝ հնարեց եւ ճանչցուց բժշկական աշխարհին՝ այսօրուան Արտաֆին հնարիւ կատարուած անդրաշընելն՝ ուրիէ ծնած օգուտներն երկու անգամ երկու չորս ընելուն նման ակներեւ լինելով, հետզհետէ նախ Գերմանիոյ, ապա Անգլիոյ, Ֆրանսայի եւ Ամերիկայի մանկաբարձից կողմանէ ընդունուեցաւ, եւ մանկաբարձական գիտութեան մէջ նոր եւ կարեւոր գլուխ մըն ալ գրելով, գրեթէ 1875 թուականէն ի վեր ամբողջ Եւրոպայի մէջ, նաև մանաւանդ Ֆրանսայի մէջ մեծ կարեւորութիւն եւ պատիւ ստացաւ:

Բաժօ, Թառնիէ, Շանթութէօյլ, Բինար եւ այլ մանկաբարձ-բժշկաց ջանիւք եւ երկասիրութեամբք, ճանչցուեցաւ այն՝ իբրեւ մեծ եւ կարեւոր պարտաւորութիւն յդի կա-

նանց, ընդ նմին եւ բժշկաց, եւ 'ի շնորհս այդ գործողութեան քանի՛ քանի՛ ծննդաբերներ կ'ազատին այսօր եւ մանուկներ՝ որք վայրիկ մը յաւաջ մահու որսեր լինելու վտանգին էին ենթարկուած :

Մեր այս համառօտ ծանօթութենէն յետոյ, հարկ չեմ համարիր դեռ երկարօրէն նկարագրել գիտնական եւ բժշկական մանրամասնութեամբք այս արտաքին հնարիւք կատարուած անդրաշղթելն ասել, թէ ի՞նչպէս, ի՞նչ եղանակաւ առնելու է զայն եւ այլն, եւ այն. սոքա պատկանաւոր են աւելի բժշկաց եւ նոցագլխուն, քան հասարակ ժողովրդեան՝ որ պարտի գիտնալ միայն ի՞նչ որ հարկաւոր է իւր կենսական առողջութեանը :

Մանրամասնութեանց խորին ծանօթութեան ուսումը թողլով բըժշկաց, մեր ընթերցողաց պարզ եւ համեստ գաղափար մը տալու նպատակաւ, կրկնեմ թէ՝ արտային հր-

ևարիւֆ անդրաշղելն՝ որ մեր հայերէն բարբառով կոչի եւ մանուկը շրտիւլ, է, ինչպէս վերն յիշատակեցի, պարզ անմեղ գործողութիւն մը՝ յորում մանկաբարձն յոռի ընծայման տէր յզի կինը պառկեցունելով կըրնակի վրայ, յետ հարկաւոր հարցից եւ քննութեանց՝ կը մերկացունէ նորա փորին, եւ յարտաքուստ, որովայնին վրայէն, արգանդին մէջ յոռի դիրքով լողացող սաղմին մէկ ձեռքով գլխէն եւ միւսով ալ երանէն բռնելով՝ կը տատանէ զայն յաջ եւ յահեակ ուժգին՝ բայց խոհական շարժմամբք, որով նորա դիրքն յեղաշրջելով, կ'աշխատի գլխիվայր ընծայման ենթարկել զայն :

Այս գործողութիւնն աննշան ցաւ մը իսկ չի պատճառեր յզւոյն. հազիւ 10 կամ 20 վայրկեան կը տեւէ, եւ ահա մանկաբարձն զմանուկն հեշտիւ կը դարձունէ իւր բնական ընծայման, բայց որպէս զի նորա գլուխը փախ-

չելովկրկին յոռի ընծայման տեղի
չխտայ , մանկաբարձը զայն մինչեւ
ծննդաբերութեան ժամը մայրենի
կոնքին մէջ պահելու համար , զայն
կը հաստատէ հոն՝ մօրն արգանդը
պատառելով Բինարեան (ceinture de
Pinard) ըսուած զօսուով , որ է պարզ
գօտի մը՝ ունենալով միայն իւր ներ-
քին երեսի վարի կողմն , իրարմէ քիչ
հեռու երկու բրդէ կամօդալի բար-
ձիկներ՝ որք նպատակ ունին սաղ-
մին գլուխը ճնշելով , հաստապինդ
գրկել եւ չիթողուլ որ խոյս տայ եւ
դիրքը փոխէ :

Հարկ չէ սակայն ունենալ միշտ
սոյն գօտին , սազմին գլուխը մայ-
րենի կոնքին մէջ հաստատելու հա-
մար . մանկաբարձը կրնայ յօրինել
ուրիշ որ եւ իցէ գօտի մը . հերիք է
որ այդու կարողանայ նա սաղմին
գլուխը կոնքին մէջ պահել :

Այս գործողութիւնը կը կատարի
յղութեան վերջին ամսոց մէջ եւ մին-

չւ իսկ ծննդաբերութեան պահուն .
բայց լաւագոյն է որ լինի այն ծնըն-
դաբերութենէն յառաջ , ութերորդ
կամ իններորդ ամսոց մէջ . յիշելով՝
որ ծննդաբերական վասարակոց ծա-
նըր եւ տաժանելի վայրկեաններուն
մէջ կրնայ այն անկարելի լինել եւ
ծնուցիչ չար հետեւանաց :

Մեր սոյն համառօտ տեղեկութե-
նէն յետոյ յայտնի կը լինի արդ կար-
ծեմ յηի կնոց մեծ եւ առաջին պար-
տարրութիւննը , որ է զգուշաւոր լի-
նել եւ իւր վերջին ամսոց մէջ գնալ
մերթ ընդ մերթ մանկաբարձ բժշկի
մը մօտ , քննել առ զինքը խնամով ,
իմանալ իւր մանկան ընծայման վի-
ճակը , եւ եթէ այն յոռի է եւ վատ ,
փութալ շոկել առ զայն արտաքին
հնարիւք :

Այս կարեւոր պարտականութիւնը
զանց առնելու չեն երբեք մեր մայ-
րեն , 'ի մտի ունելով ցանդ այն ա-
մեն սոսկալի վտանգներն եւ նոցա

աղիտաբեր հետեւանքն , որք դըժ-
բաղդաբար պակաս չեն ծննդաբե-
րութեանց մէջ :

Քանի՞ քանի՞ անգամներ պատա-
հեցաւ մեզ տեսնել , Փարիզու ման-
կաբարձական հիւանդանոցը , գըժ-
ուարին եւ անհնար ծննդաբերու-
թիւններ , եւ ականատես լինել եր-
բեմն արգանդի ցելման , ծննդաբե-
րին մահուան եւ խեղճ մանկան կո-
րստեան , որոց պատճառն ուրիշքան
չէր՝ բայց յոռի ընծայումներ . եթէ
ծննդաբերք խոհական լինելով գնա-
յին նախապէս քննել տալու զիրենք
մի բժիշկ-մանկաբարձի , անշուշտ
զերծ կը լինէին վտանգէ եւ իրենց
ծնունդը զոհ չին տար : Եւ ՚ի հա-
կառակէն քանի՞ քանի՞ անգամներ ալ
պատահեցանք յոռի ընծայման աէր
յզի կանանց՝ որք նախապէս անդ-
րաշրջել տալով իրենց յլացման ար-
դիւնքը , թէ իրենք հանդիսաւ ծնըն-
դաբերեցին եւ թէ իրենց մանկունքն

ողջ առողջ եկան յաշխարհ :

Աղքատ կամ հարուստ , անդրան-
կածին կամ բազմածին , կամենալու
են յօժարութեամբ գէթ մի անգամ
յայց եւանել մի բժշկի սոյն նպատա-
կաւ (¹) , ինչպէս սովորութիւն ունին
նոքա ուխտ ընել , գնալիսոստովանիլ
քահանայի մօտ , հաղորդուելու նախ
քան զծննդաբերութիւն . ներուի թող
մեզ ասել , թէ սոյն մեր գծած պար-
տուց կատարման զօրութիւնն ալ ո՛չ
նուազ մեծ կը լինի , ո՛չ նուազ բա-
րոյական եւ քաւիչ , զի սա իրենց եւ

(¹) Յզի կին մը պարտաւոր է զիտնալ կա-
նուխէն իւր կոնֆին վիճակը . մի զուցէ լինի
այն նեղ եւ անծուկ : Կոնքին անձկութիւնը
(rétréissement du bassin) ամենամեծ եւ սը-
խուր արցելը մըն է իննամսեայ հասուն (à
terme) ծննդեան . անձուկ եղող , այսինքն
կարմ տրամագիծ ունեցող կոնքէ մը , զիւրին
է զատել որ իննամսեայ մանկան մը կատա-
րեալ տրամագծերով զլուխը չէ կարող ան-
ցնիլ անվտանգ , բայց Մանկաբարձը կը յա-
ջողին յայդմ՝ վաղահաս արհեստական ծերե-

իրենց մանկան կենացն է նպաստամատոյց, վրկարար եւ հոգեառու:

Բժշկական եւ մանկաբարձական գիտնական միութիւններ՝ այսօր ոճիր կը համարին բժշկաց, թէ խորհուրդ չխան նոքա եւ չի քարոզեն յդի կանաց սոյն պարտաւորութիւնը: Բաժօ, մեր այդ ճարտարաբուեստ եւ գիտնական մանկաբարձ վարպետը, դեռ քանի մը շաբաթ յառաջ Փարիզու մանկաբարձական կաճառին մլչ կ'ըսէր թէ, մանկաբարձին զիսաւոր պարտին է ֆննել յդին իւր

դաքերուրեամբ (accouchement prématuré artificiel), որով մանուկը տհաս վիճակի մէջ, եօթնամսեայ կամ ութամսեայ, դեռ կատարեալ տրամազծեր չունեցած ծնուցանելով արհեսթիւ. Թէ մայրը զերծ կը կացուցանեն մանկաբարձական գործողութիւններէ, եւ թէ մանուկն ունենալով ողջ, կը դիեցուցանեն զայն եւ կը մեծցունեն մայր արեւեսական ըստած (mère artificielle) գործիքի մը միշոցաւ. ապա ուրեմն եւ այս որչափ կ'ասիսէ յդի կինը յայց ելանել բժշկին :

յերջին ամսոց մէջ, խղճիւ եւ անշահախնդիր յօժարուրեամբ, սորտ հակառակ գործող բժշկին խղճին վրայ ծանրացունելով մեծ աններելի պատասխանատուութիւն մը:

Ստուգիւ, ոճիր պէտք է համարել բժշկին՝ թէ նա չի խրատէ յըլոյն իւր այս մեծ պարտականութիւնը, եւ չի նկրտի գործադրել ի հարկին այս կարեւոր գործողութիւնը. բայց եղեռն պէտք է համարուի եւ յղւոյն, թէ չի լսէ նա բըժշկին ձայնին եւ խորհրդոց, եւ իւր երախային թողու ծնիլ յոռի ընծայմամբ. Եղեռն այո՛, որ չէ մէկ գըժքադրաբար եւ է այն կրկին. զի յըղի կին մը այսու ոչ միայն կը լինի որդեսպան, մանկասպան, այլ կարող է եւ լինել անձնասպան:

Չարքեր բնաւ անլսող լինել եւ զանցառու. յանձն շառնել փոքրիկ ձանձրութիւն մը, 10 վայրկեան հազիւ տեւողութիւն ունեցող ձանձ-

րութիւն մը , 10 վայրկեան՝ յորում
չնչին՝ անմեղ գործողութիւն մը մեծ
դեր պիտի խաղայ , մահուան հի-
րաններէն երկու կեանք միանդա-
մայն մէկ պահու մէջ ազատելու , բա-
րոյաբէս եւ նիւթապէս մարդկու-
թեան օդատաւէտ լինելու մեծ եւ
հզօր կարողութեամբ :

Այսախ ուրեմն խօսելով եւ այս
մեծ պարտականութեան մասին , կը
յանձնարարեմ զայն մեր մարց ու-
շադրութեան եւ նոցա որդեսէր
խղճին՝ որով անշուշտ չեն կամիր նո-
քա , իննամսեայ մահու տառապա-
քա , յանանալէ յետոյ , տանիլ յան-
նօք յղանալէ յետոյ , տանիլ յան-
ձնել իրենց ծննունդը սեւ հողի գիր-
կըն առ օրին , դեռ շիթ մը շունչ
ծծել չի տուած անոր :

* * *

Հոս կը յանդի աւասիկ իմ երկը
դիեցման . աւարտելով զանոնք ,

քաղցր է ինձ յուսալ՝ որ մեր մայ-
րիկներն եւ ծնողք , սիրողք միշտ եւ
նախանձախնդիրք ազգային լաւ եւ
լուրջ առողջապահութեան , պիտի
հաճին ուշագրութեամբ սերտել , իմ
համբակ գրչով եւ տհաս գաղափար-
ներով գծած սոյն այս դասերը՝ զորս
ըստ մեծի մասին քաղեցի իմ վար-
ժապետին Բրօֆ . Բաժօի դասերէն ,
Թառնիէի գործերէն , եւ անմահին
Լոռէնի գրուածներէն : Զեմ կրնար
լուել սակայն առանց իմ խոր ցաւերն
յայտնելու , նկատելով որ սոյն դա-
սուցս մէջ մեր ազգային հարազատ
դիեցմանն յատուկ օրէնքն եւ պար-
տիքը չեմ կարող զետեղել , այն
պարտիքը կ'ըսեմ , որք անշուշտ կը
տիրապետեն Փոքր Ասիս հայարնակ
գաւառաց մէջ : Դժբաղդաբար կը
պակասէր եւ կը պակասի ինձ միշտ
այս մասին լուրջ եւ գիտնական ծա-
թութիւն :

Քանի՛ փափաքելի կը լինէր արդ-

եօք որ մեր ազգային բժշկականութիւնը՝ զոր կը բաղկացունեն այսօր հմտալից գլխի տէր ուսեալ տօքտօրներ, հետամուտ լինէր սոյն եւ նմանօրինակ ճիւղերու, խաւարէն 'ի լրյու հանելու համար շատ մը գիտ-նական բժշկական ծանօթութիւններ՝ յօդուտ եւ 'ի զարգացումն առողջապահական կենաց :


Ա. Ե. Բ. Զ.

ՑԱՆԿ

ԵՐԵՒ

| | |
|--|----|
| Նամակ առ Միացեալ Ընկերութիւն | 3 |
| Փատասխանի | 5 |
| Զօն | 7 |
| Յառաջարան | 14 |
| Դիեցումն | 15 |
| Ասինք | 17 |
| Կարն | 28 |
| Բնական դիեցումն | 41 |
| Մայրնի դիեցումն | 42 |
| Գայեկան դիեցումն | 67 |
| Մոցումն | 75 |
| Շրջումն | 85 |

| Սխալ | Ուղիղ | Երես | Ցող. |
|------------|-----------------|------|------|
| զործարանաց | սոյն զործարանաց | 24 | 12 |
| առատահա- | առատահոսութիւնը | 38 | 5 |
| սութիւնը | | | |
| յետոյն | յետոյ | 45 | 16 |
| ունալու | ունենալու | 69 | 13 |
| յանժամ | յայնժամ | 80 | 3 |
| իւր կոնքին | եւ իւր կոնքին | 105 | 15 |
| զանոնք | զայն | 108 | 20 |



ՀՀ Ազգային գրադարան



NL0074235

ՀՀ Ազգային գրադարան



NL0074232

ՀՀ Ազգային գրադարան



NL0074236

ՀՀ Ազգային գրադարան



NL0074233

ՀՀ Ազգային գրադարան



NL0074237

ՀՀ Ազգային գրադարան



NL0074234

ՀՀ Ազգային գրադարան



NL0074238

2013

Վ-10

the same time, the number of species per genus was also increased.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.

The number of species per genus was increased by one.

The species richness of the genus *Leucosideres* was increased by one species.